

東昆仰止錄目次

理學 卷一

君濟蔡公

貴一陳公

貴叙陳公

尚書宋公

龍圖林公

行夫蔡公

德輿劉公

元康

經正

經邦

之才

澁

巖

軫

步廊人

浦源人

二程門人

宋一橋仲弟人

楊龜山人

松山人

步廊人

賜第瑞安

朱子門人

白沙人

東昆仰止錄 八卷

共 一 册 存 一 册 排架号 00185

南湖薛公

玉成

南湖人 楊敬仲門人

仲庸黃公

中

松山人

清所章公

仕堯

坊廓人

文璣史公

伯璿

前倉人

宗起徐公

興祖

東門人

克明楊公

諫

南監人

越山應公

德成

金鄉人

孝友

延仲章公

永

浦邊人

謙中劉公

天益

白沙人

處晦陳公

德昭

東田人

季常薛公

凝之

南湖人

張章二公

端善

坊廓人

張薛二公

正先

城內人

裴楊二公

安道

南湖人

惟倫陳公

序

南門人

經亨陳公

興邦

仙居人

東江鄭公

文夫

江口人

任齋陳公

海南杜公

忠義 卷三

龍友黃公

康朝薛公

次鳳顧公

秘書章公

進士林公

上舍金公

志

德基

友

昌宋

岡

慰

則祖

九萬

聖波里人 徒侯官

象鼻人

梅源人

南湖人

下潞人

白沙人

江南人

江南人

潘公附

上舍林公

進士陳公

架閣林公

國子正公

州守周公

守禦童公

義士謝公

都憲王公

郎中方公

廷龍

魁祥

景熙

樸翁

誠德

環

南

宗遠

子深

四溪人

蒲門人

白石街人

徒焦下人

睦源人

童橋人

湖口人

象岡人

白沙人

弟宗彥宗祥附

文學

卷四

大卿湯公

宗

坡南人

抑崇金公

伯遜

灘頭人

給事鮑公

輝

南門人

運使鄭公

憲璫

鄭樓人

知府吳公

寶秀

河前人 徙市心

文昭朱公

翻

三橋人

附從子元昇

上父繆公

夢達

睦程人

公潛陳公

剛

臈田人

叔容薛公

據

南湖人

二林公

之奇

蓋竹人

二鄭公

汝諧

江口人

守仁王公

有開

王洋人

胡汪二公

鼎新

湖洋人

子上陳公

高

陳庫人

狀元周公

坦

柏洋人

編脩章公

嘉

章均人

聯璧鄭公

東采

蒲門人

黃鄭章林四
公附

解元陳公

訥

江口人

孔公克表附

員外王公

朝佐

蛟川人

百歲陳公

彥生

仙居人

東溟鄭公

文友

鄭樓人

知州蔡公

立身

學前徒步廊

百戶丘公

一龍

沙園人

政事 卷五

狀元徐公

鐸

坊廓人

從子待聘附

提刑林公

杞

四溪人

侍郎陳公

楠

蒲門人

覲昉均附

侍郎蕭公

振

蕭渡人

弟應辰附

尚書林公

拱辰

蓋竹人

侍郎徐公

誼

沙岡人

提舉彭公

仲岡

彭保人

狀元蔡公

必勝

步廊人

知縣鄭公

璽

水心人

狀元朱公

燭

迤口人

鯨

祭酒陳公

懋欽

陳營人

大叅陳公

宣

柘園人

運副蔡公

芳

榆洋人

贈君蔡公

瓚

榆洋人 徙學前

仙洲陳公

經一

仙居人

高誼 卷七

茂先章公

公逸

浦邊人

公俊張公

雋

坊廊人

清叟林公

仲夷

夏口人

太常吳公

蘊古

吳橋人

國器陳公

瑾

江南人

冲約陳公

柔

陳營人

義民林公

居雅

下嶺人

明善湯公

元善

坊廓人

子勉章公

功懋

白沙人

舜周葉公

溥真

南門人

尚義諸公

周普安 弟伯靜

柳靜

訥齋鄭公

林天爵

蔡思權 孔聞昂

隱逸

卷八

未

南

林

南唐嚴公

求

南唐時人

林倪附

仲碩潘公

安固

坊廓人

力行顧公

近仁

下澗人

器之林公

任真

江南人

處抑鄭公

昂

上田人

曆師陳公

宗仙

江南人

書隱陳公

至

北山人

子充孔公

晚

西門人

仁卿徐公

必友

坊廓人

魁甫項公

伯文

項橋徙西門

本陽方公

燧

白沙人西堂先住附

濱江鄭公

應祥

江口人徙南坂

是

公名元康字若濟資... 耳學正其即發有德者一言一行孜孜諒之... 惟恐不及... 未嘗以得... 下第怨不... 如... 得... 有...

狀

東昆仰止錄卷一
本國文公
其辭邦西門

狀

東昆仰止錄卷一

後學鄭思恭編次

理學

君濟蔡公步廊人

公名元康字君濟資稟剛峻學識過人既冠

入太學見同人從事文藝慨然曰科舉所需

耳學止是耶賢有德者一言一行孜孜訪之

惟恐不及崇寧中下第忽不樂謂其友曰吾

未嘗以得失為念而不樂如此得非吾親有



不安乎即日馳歸及門而父疾已淹時尋亦
愈其學以正心誠意為本優游涵養日趣自
得一時賢士大夫若鄒浩陳瓘楊時皆敬重
之鄒陳在謫公從之鄒病革盡吐所欲言者
性命之理死生之說見於問答云在京師逆
旅失金有得之同舍篋中者以告公曰非此
吾金也嘗曰古之人全交非一道也必欲伸
己以求名人將何望在京師朋友病為之醫
藥同寢處無倦色死則主其後事或護其柩

以歸前後以十數七上禮部不第會以八行
取士郡條其應令者數十事上諸朝未報卒

見許景衡墓志

蓋公貴一陳公

浦源人

公名絰正字貴一慕伊洛之學與弟絰邦絰
德絰郭永嘉鮑若雨一時往受業二程之門
貴一問齊王謂時子欲養弟子以萬鍾而使
國人所矜式孟子何故拒之先生曰王之
意非尊孟子乃賂之耳故拒之問日月有明

容光必照先生曰日月之明有本故凡容光
必照君子之道有本故無不及也問興於詩
如何曰古人不同自少諷誦如今謳唱自然
善心生而興起今人不同雖老師宿儒不知
詩也人而不為周南召南此乃為伯魚而言
蓋恐其未盡治家之道耳欲治國平天下須
先從修身齊家來不然則猶正牆面而立問
據貴一可見盈天地間皆我之性更不復知
我身之為我先生笑曰他人食飽公無餒乎

見二程全書謝顯道建中間上殿不稱旨先生聞
之喜已而就監門之職陳貴一問顯道何如
人先生曰由求之徒伊洛淵源錄

貴叙陳公

公名經邦字貴叙與兄經正受業二程之門
大觀三年進士終迪功郎有答問見二程全
書貴叙問詩說言唐魏已變先代之風又言
先聖流風遺俗盡故次以陳兩意似不異何
以分先後先生曰聖人之都風化所厚聖人

按縣志選舉及人物理學
阿榮公登重和
元年戊戌王昂
楊

之國典法所存唐魏聖人之都其風雖變而
典法尚在陳舜之後聖人之國亦被夷狄之
風則典法隨而亡矣三代之後有志之士欲
復先王之治而不能者皆由典法不備故典
法尚存有人舉而行之無難矣朱子伊洛淵源云並見唐錄
尚書宋公宋橋人賜第安固
登政和第教授京兆府每言士負奇偉才皆
可入聖賢之域患速售耳故深務韜養積十

八年不易初官因執政薦試除正字尋為校
書郎遷考功郎論南北雖已講和願勿忘備
舉廢墜拔淹滯寬民力總兵權益固基圖為
進取計歷官司業權禮部侍郎敷文閣待制
奉祠公性恬靜操履潔白難進易退入仕五
十年屏處之日三居二焉晚賜第瑞安所著
有雲海帚五十卷龍圖林公其先福長溪人徙居松山
公名澁字正甫嘗從朱子學朱子既以黨論

斥士諱其學公獨執弟子禮不變每馳書問
疑義紹興三十年進士調富陽尉以弭盜功
改秩知晉江縣造戰艦公不忍斂民歛棄
官去諸蕃寓居者義之咸助其役艦成而民
不知秩滿空城扳留通判南劍州奏罷榷酒
除監察御史以不阿比為小人所忌為殿參
謀官某士對策剴切公擬為第一不用及御
史劉光祖下遷公曰可以行矣遂出為江西
轉運判官免贛州科罰南安興國諸浮費罷

歲數萬緡而漕計不窮歷太府司農卿韓侂
胄擅權仇惡正士力請外除湖北轉運副使
進直龍圖閣致仕以忠厚長者著聲朝野所
著有盤隱類藁十卷葉水心銘其墓曰天膏
寥寥分一燈耿耿自照非外明奉璋來朝如
景星善人視之為廢興紹興御史慶元卿義
能扶持事不勝乾剛坤柔相降升以待後死
銘有徵

公行夫蔡公

步廊人

未子未子

公名懋字行夫亦學於朱子先生訓懋曰大
凡學問不可只理會一端如動容貌三事其
於身至切矣而籩豆之事次之非全不必理
會也如田子方云君明樂官不明樂音非也
不明樂音安明樂官哉餘問答並見語錄二
十三卷行夫所記一日因論讀大學答以每
為念慮攪頗妨工夫先生曰只是不敬敬擾
是常惺惺底法以敬為主則百事皆從此做
去今人都不理會我底自不知心所在都要

理會他事又要齊家治國平天下心者身之
主也撐船須用篙喫飯須用匙不理會心是
不用篙不用匙也攝心只是敬終敬看做甚
麼事登山亦只是這個心入水亦只是這個
心
德輿劉公白沙人忠益父
公名軫字德輿號了境翁隱身不仕潛心克
己之學嘗誡其子忠益曰忤心而能樂處則
忤己者終順也快心而不預防則快者終害

膏

也怒將以加人過怒適以自傷也能將以致
譽矜能適以招謗也寧靜若不及事立事之
本也巧慧若可成德敗德之基也凡此皆非
淺心所能知必思之求之而後得所著有銓
心要指二萬餘言
南湖薛公南湖人叔容狀如學其說圖
公名玉成字無考受學於慈湖楊敬仲永嘉
許少伊右丞周恭叔太博劉元承給事受業
程門為最先一輩而義理之學始於此矣生

而晚者雖不及成德達材之列而亦竊聞私
淑之教見知聞知成功一也薛氏世學蓋三
百年最後玉成公學於慈湖楊敬仲刊華據
實猶程門緒餘偽學禁興隻於衛道著伊洛
源流各為譜傳書成而化更生人之類不為
夷狄禽獸吾道力也葉水心嘗曰為學而不
接統緒雖博無益也為文而不闢世教雖工
無益也先生之學之文豈待博而工哉統緒
之的教化之宗於此乎在

仲庸黃公松山人

公名中字仲庸學以闕洛為宗錢文子一見
期以國士登紹興進士第三人歷館閣屢遷
起居舍人兼侍講出知袁州泉州以右文殿
脩撰卒公舉進士越三十年居官僅十載故
得肆其力於學與朱晦翁往復辨論歆寔地
用工不徒托之空言而已嘗校藝清闈時學
禁方嚴公發策有云平居不以利祿入其心
培植涵養如木有根水有源用之則回既倒

之狂瀾不用則唱和寂寞之濱亦足以名世
任此責者誰歟後晦翁見之曰近年若此等
議論令人歎服初入絳筵寧宗曰朕正賴卿
輔佐語之再三公前後三十餘疏傾心忠鯁
無所回撓了翁以為古之遺直章
清所章公坊廊人
公名士堯字時雍號清所通經史四書深入
閩奧研精章思章分公句析發明傳意釋然通
暢嘗曰時之治亂由於人心之邪正心之邪

正由於學術之醇疵識者以為明名言彭庭堅
蔣允文趙次誠等皆其弟子至今言義理之
學必稱公云史文璣曰意者天地著鬼神幽
幽者難知三王已然後世未然未難知故
二句但從難知者言之爾清所章先生嘗謂
不謬不悖不是知意無疑無惑正是知意故
以此結之也見中庸大全
文璣史公前倉人
公名伯璿字文璣自幼嗜學強記博通經史

及諸子百家之說精究四書深得朱子之旨
時饒氏輯講許氏叢說胡氏通旨陳氏發明
多與朱子背馳者公乃著四書管窺以辨明
之又著管窺外篇論諸經史天文地理古今
制度名物學者傳誦焉陳子上管窺序曰孔
曾思孟之書載道之言也自朱子為集註章
句釋其義理要其指歸而其說大明於世天
下學士所共尊信背而違者亦或有焉鄉先
生史君苦志於學篤信守堅朱子之說反覆

研究殆三十年遂取諸家纂輯之編而去取
焉旁通曲暢著於簡牘名曰管窺可謂有功
於朱子也已節畧
曾思宗起徐公東廓人
公名興祖字宗起公自幼持重好學不倦嘗
受書於鄭伯玉受詩於周可仁受易於史文
璣而文璣之學出於冰壺鄭氏公盡得其學
而學焉故於義理猶極精粹至於子史百氏
亦靡不研究遂以其學行於一時洪武間為

溫罷教授以性理開導諸生一罷翁然宗之稱
橫陽先生嘗力辨軍衛移城勸郡侯釋脅從
全民命事具祭酒胡儼文集中公敦行孝弟
待母弟篤於義白首無間言與人交久而益
篤雖鄙夫孺子來謁接之皆有禮意未嘗幾
微及人過失不
克明楊公南監人
公名諱字克明號嗜古為邑庠弟子屢舉不
第遂專志聖賢之學其居屋左書周子志伊

學顏篇右書張思叔座右銘謂正家自內始
作新婦戒由家而族作楊氏族規由族而鄉
作蘆江鄉約又作發蒙備用修行錄等書年
僅三十七而卒弘治間從祀鄉賢祠

越山應公

金鄉人

少曾

壯

嘗

公名德成字遐進號越山生而端醇粹神氣
肅清弱冠刻勵讀書嘔血猶不釋卷既而麻
城劉魯橋先生司訓昆庠誦陽明良知之學
公與同里王敬所朝夕侍側論辨孜孜不倦

遂盡先生之學而學為昆庠語錄出公撰述
大意以于聖真訣不外道心二字良知卽道
心也致良知正以擴此道心也其立志堅嚮
道篤涵養粹德器完卓然一時儒宗隆慶丁
卯庚午連中浙闈俱然少誤不入格強仕以
明經試大廷第二人授廣西桂平知縣一日
念二親且老棄官歸橐篋之外不留一錢居
林今五十年教人窮理析入毫芒粹言緒論
使聽者非僻為之潛消云所著有春秋紀略

時令怡真堂集易卦反對服官著鑑等書敬
所王公名祚亦金鄉人學行高古與公俱以
聖賢自任者
論曰己己之秋思恭渡江為越山先生九
十壽壽已坐定先生問曰十年不見吾子
重學有進益乎終日竟夕為闡發大學之道
謂此道非吾人誰可肩荷故劈頭便下一
大字從一從入明以此擔付此人也先生
高年不倦如此今世學士自好者溺志詞

章卑者薰心利欲譚道學則羣譁以為偽嗟
乎設今世有真道學在洛閩數千里之外能
裹糧往從者有之乎即不遠求里人如越
山先生十年相見片語不他嗒嗒談經論道
者有之乎見亦罕矣因錄蔡八行十餘人以
先生繼之高風遠養暉映荀編功業文章其
緒餘也嗚呼懿哉

謝道韞

夫主繼之... 昔年之平... 山夫主十年... 哀賦... 平復... 章早... 謝道韞... 謝道韞... 謝道韞...

東昆仰止錄

卷二

其下... 後學鄭思恭編次

其下... 後學鄭思恭編次

孝友

延仲章公

浦邊人

公名永字延仲性至孝父亡事祖母楊氏猶

謹及楊氏卒執喪如禮每遇諱日俗用浮屠

公獨集同志誦孝經曰吾聖人之教也比舉

葬中渡風濤暴作公伏柩哭曰罪逆深重應

頌吾親無辜願天地神明鑒之俄傾風息得



濟人以為孝感云此軒四壁之如斷風其引
莫中謙中劉公泊沙外蘇哭曰罪惡新重
公名天益一名忠益字謙中性至孝母亡哀
慕不已嘗得遺鏡賦詩自悼又著思母篇詞
意悽惋鄉先生朱黼題其卷末曰予讀劉子
思母篇涕下不能禁非劉子之孝固不道每
欲刻此傳世以為人子勸戒而力不暇慢識
其下公生平邃於理學文尤高古警拔嘉泰
元年以布衣應賢良方正能直言極諫科上

萬年書有筠坡集行世

處晦陳公

東田人

公名德昭字處晦號東臯與弟東濱東隱雍
睦孝友以義同居時有自占城來者遺以三
犬畜之既而一斃其二悲號不食者三日聞
者以為同居和氣感召編脩章公嘉紀其事
其畧曰禽獸之類形氣雖異而吾能以德被
之則狙惡化為純良凶毒化為祥兆如虎之
比渡河飛蝗之不入渤海鱷魚之去潮馬之

垂韁於井猫之相乳其子雞哺狗之兒是皆
被人之德而自然感化者也易曰信及豚魚
余故知犬之義非犬之能義也乃東臯兄弟
德化之所及也

季常薛公 南湖人

公名凝之字季常事母至孝母嗜江蘆終身
不忍食詔求直言上書言時政十事譏切執
政主喪祭斥佛老陰陽之說郡守楊簡銘其
墓

張章二公

坊廓人 江南人

張公名端其先涿州人父君錫至正末任平
陽州判官因家焉時方明善攻破平陽俘君
錫入溫城端隨往日夜涕泣不食父曰我分
在死死汝歸視家勿以我為念公曰父辱子
死大人如不諱見豈能獨生既而賊沉父於
江公與父俱沉而死擊壤集有詩咏之章公
名友善父成高在海塘虎攫之公馳前以拳
毆虎棄去父得全活章公奪父於虎狼之口

張公日夜涕泣不能感悟方賊父子俱飽魚腹雖其父有幸有不幸而為子盡孝則一矣

張薛二公 城內人 南湖人

張公名正字思中九歲父喪鞠於母林十三歲母瘡發於額瘍醫曰腫在鼻雖素越人不治矣公憂惶走城隍祠泣禱割股肉飼母立愈洪武丁巳母瘳下伏枕公時以手搗穢無難色後六年母病危甚復割股肉和藥成而母病革矣薛公名必光少孤亦年十三

事母及祖母盡瘁家貧傭賃以養祖母及卒鬻產供喪事母病三載朝夕祈禱因割股進母病尋愈後母卒柩在家倭寇大至空村避去獨守不畏賊亦不入人謂孝感所致云割股一事先儒以為毀傷滅性不可以訓則誠然矣第想其一時至誠惻怛不忍其親之瘡痍疾痛無可奈何遂甘於自戕以求親一日之生即肝可塗腰領可斷而何有於朕苟不惟其情而苛繩之可乎哉周公之請以身代

武王也死且不恤周公豈偽為者而亦將以絕滅之罪加之耶

裴楊二公

南門人

江南人

裴公名安道親老代尊字政事允咨而後行居喪哀毀癯瘁人不能堪時弟尚未冠娶公篤于友愛拊存及公歿諸子服喪悉如古禮鄉人稱焉楊公名謹度字少微兄弟六人不分產教授臨安府有友陳子雅將之官而卒妻適人無嗣旅觀三十年公雖貧糾同義厚

莖之並見府志夫能孝者必能友若裴楊二公者誠可謂人不間於其父母昆弟之言者乎

惟倫陳公

柘園人

潛

公名序字惟倫參政潛齋公之父也正統間父孟明病劇嘗三割股以療之大學士李東陽提學陳紀咸有歌咏今錄其一伐樹勿伐柘愛此手澤存爪樹傷柘膚鋤樹傷柘根根膚尚可惜戕肌亦人何吾肌本親遺吾以奉

吾親茫茫堪輿內此意誠苦辛肌成幸不死
遺胤傳兒孫孫乎慎勿忘錫類良有因潛齋
公以易魁成化辛丑第二四世孫起潛公名
典學亦以易魁浙江壬午第七子孫彬彬世
篤其慶信非朝夕之故矣

經字陳公 仙居人

公名興邦字經字為邑諸生以字行早孤事
母盡孝嘉靖己未倭寇登劫公奉母奔鳳浦
寇急衆棄舟登岸母陷塗中公扶母不去以

耳環為母乞命寇斬其耳及肩以死而手猶
扶母不釋寇退兄弟收其屍殯墳庵中數日
寇復至焚其庵火及棺而息人咸稱孝感云
至隆慶縣具以事聞未報縣令朱侯東光表
其門曰旌孝

東江鄭公

江口人

公名記字文夫尋以字行更字質鄉少有至
性言動尤遵禮年十二侍父任建安士獲交
名士為麗澤會居數載文思警拔建安多士

奇之會兄殷夫詣建齊省父遺疾值暑月公
迎醫禱神執扇驅蚊蚋靡晝夜恐貽父母憂
間跪且泣曰大人勿愁可幸無事也亡何兄
卒勸父掛冠歸時公年十七痛兄旅視事嫂
如母正德庚午魁浙闈四計偕不第或諷之
就教以祿養曰吾親老矣受一官即迎養豈
能晨昏定省耶父壽八十終皇人如不欲生
經禮喪其一用朱氏家禮坐卧皆塊衰經不
解晨奉櫛額夕奉澣濯如生時公體本孱弱

久之手足皸瘃形容憔悴竟以明年卒聞者
無不痛之所著有東江集稿

任齋陳公

靈波

里人

從侯官

公名志字號任齋其先昆之靈波橋人

戎籍福州遂為侯官人陳氏伯仲入祀錄稱

公真品真操純心純行孝親則生事死哀每

飯不忘孺慕睦族則聚廬授塾三從薰而善

良五世同居干指合食叱妖崇崇於臬署拒奔

女於臨汀正氣凜々正挾一壇於玉華劍峰

之間而並餽糧公脰五者也弟名夢龍
字啟瑞嘉靖甲子鄉薦令合浦以採珠忤當
道歸時父母雙鬢皤如矣不獨奉甘旨務協
父母之懽敬兄任齋如其父家政无闕白而
後行聚族子孫教養婚嫁不給則稱貸以益
之兄弟之間愉愉如也有司旌其門曰公藝
遺風曰世敦親睦曰一家仁讓誠以風教所
關為甚重也口碑既泐輿論攸同遂舉孟公
伯仲入祀鄉賢俎豆一堂輝映黌序殆人世所

希覲哉嗚呼古今同胞同氣以文章著以事
功顯蓋亦難矣而況以孝友名世崇祀千秋
者乎其河南兩夫子之流亞也已子名一元
號四游辛丑進士兩為吏皆有循聲為御史
秉世嫉邪浮沉田里久之起為大京兆一絃
傳舊百忍教家非得於公之式穀而能然耶
以天啟某年誥贈父如其官七年歸拜昆陽
修闕宮復祀田甌士夫各賦詩為顯揚分耀
冊以榮其事

海南杜公象嶼人

公名德基字萬年海南其號也少有至性早
失父奉母以孝聞弱冠遊邑庠嗜學攻苦祈
寒溽暑足不踰戶限願博一第以慰母氏之
勤丁卯試浙闈已擬上卷俄以對策稍忤不
入教方伯蔡公深為嘆惜於卷面大書命字
下檄檄獎特加母喪痛哭嘔血幾斃自成服
莫塋以及三虞祥禫一遵文公家禮佐伯兄
越江公倡義拓祠宇朔望春秋率族人齋肅

踰

以承斟酌損益各有儀注至今遵守之罔敢
踰兄德修寢疾起卧粥餌衣被垢穢必躬親
之靡倦兄以詩貽公托之後事公畢躬矢志
經其家訓其孤三十餘年如一日也候諸孤
成立挈以還之課季弟德徵如嚴師處家庭
如宗廟對子姪如賓客再試秋闈不利遂棄
去殫精醫理凡素問難經東垣丹溪諸書無
不究極折衷著醫學啟蒙若干卷搜隱抉秘
多發前人所未發故族屬戚里咸倚為命以

疾來告者不責報亦不辭瘁藉手起者千百
人公體貌豐厚鬚髯美而皤言動端莊邊幅
修飭望之似非塵埃中人而待人接物和粹
冲夷與人言依於孝弟蓋其平日所注念在
父母兄弟之間故惓惓不忘如此晚年以恩
授嘉善教諭邑大夫以賓禮一再見耳詩文
清致有象山樵隱集藏於家
論曰古稱孝友唯舜閔以其處人倫之
變也若處順亦庸後矣後世人倫廢歟

閭里間有能委曲致力修是道者遂不
覺驚世駭俗而公論躋之朝廷旌之史
官又求其實書之謂其有闕於世教民
彝之大也其後子孫繁盛人共指而稱
曰某也孝友之徵某也孝友之徵乃錄
中章薛三四公不出三百年子孫或傳
或不傳何歟豈其人有幸有不幸歟易
曰積善之家必有余慶意者前人之以
孝友啟

東昆仰止錄

卷三

後學鄭思恭編次



不忠義

龍友黃公

梅源人

潘公附

公名友字龍友資稟豪邁慷慨不羈年十五

入太學語同輩曰大丈夫不能為國立功亦

造化中贅物耳登崇寧第宣和方臘之亂為

宣撫司幕官攝蘭溪令寇不敢犯攝婺州兵

曹往諭浦江武義盜悉解去羣婆人德之為

况



立祠通判澶州時郭彙師叛諸麗嚮應公獨
領數千人與戰躬冒矢石至破唇扶齒奪路
詣京宰相李綱薦之欽宗召見視其面恠問
得之嗟嘆良久進直徽猷閣制置司參謀官
同種師中解太原圍與師中議不合兵後果
敗公被執虜欲降之公厲聲曰男兒死耳罵
不絕口虜怒以脂蠟塗其身倒監焚之事聞
詔贈中大夫官其子若壻八人御書忠節傳
家四字旌其閭常語子弟曰天下承平日久

武備玩弛萬一邊書告急馬革裹屍吾素志
也他日收吾骸當以足心黑痣為志其忠誠
許國根於天性如此其後又有潘公名方坊
郭人登寶祐四年進士調監慶元府市舶慶
元天降附公不屈赴水死並見宋史忠義傳夫
賢者未嘗不自重其死二公視死如歸何輕
生耶假令黃公與師中易處尤當奮振兵威
一刷中原之恥豈至沒沒駢首如此哉
康朝薛公南湖人

公名昌采字康朝紹聖四年進士為諸軍庫
計忤童貫除名建炎復官歷知袁州嘗因二
帝北遷元帥康王移文至公感憤作忠義咨
稟請於湖州編諜隣屬州縣期在追擊狂虜
以迎二帝其畧曰乃者巨蠹擅權奸人悞國
遂使金賊再犯京師二帝蒙塵萬邦哀痛比
者大元帥康王檄已發大兵追擊而涉兩旬
之久尚稽回駕之音王命勿通人心愈切去
危即安正在今日側斯忠義全念羣臣函請

移軍乃為報國云云伏乞湖州使司編榜州
縣轉牒施行

次鳳顧公

下滯人

公名罔字次鳳紹興十五年進士授錢塘簿
時趙鼎去相位秦檜擅權力主和議不附已
者必加擯斥公深懷憤歎適鄉人蕭振權工
部侍郎因致書於蕭極言秦趙二黨事以泄
其不平自是遂不復仕同邑陳子出嘗曰書
累數千言著明深切直氣凜凜一跋曰當是時

會字疑是
曾字

據高位食厚祿者固不乏人而君獨為朝廷
深遠慮其忠君愛國之意何如也宋學士景
漁題公書後畧曰公時為錢塘簿當時桐廬
主簿賈逵佐亦疏檮累千萬言劇論讐耻不
可忘名分不可貶和約不可信請誅王倫拘
虜使決意用兵是可見一時士大夫忠義所
激雖小官且然不特李綱張燾會用胡銓諸
公而已惜乎公之書不附戊午謹論中公五
世孫元龍請白野忠介公繕寫其書成卷而

覘

歐陽文公黃文獻公忠宣公成為題識元龍
之弟仲華復來徵漁文不已顧氏亦多賢子
孫也哉不繫再漁集有顧氏文錄序又有送顧仲華督漕入京序
朱顛秘書章公白沙人
公名慰寧宗朝授秘書省校書郎後以疾歸
休田里見韓侂胄擊善黨惡嘗抗疏極言詞
意剴切其畧曰竊覘覘太師韓侂胄鹵莽武臣
黃緣戚里躡躋膺任實非良材始者妄以內
禪之功自居過望節鉞丞相趙汝愚持正不

阿遂致怨謗共構邪謀以傾汝愚朱熹之進
縉紳交慶豈謂侂胄媚嫉之過恣為諛言以
惑陛下云云跡其所為窮奸極惡中外周知
莫不切齒故彭龜年首言之章穎徐誼平陽
又言之李祥楊簡溫郡守又言之陛下悉不
采聽侂胄與奪既專而趨附之人接迹大用
朱熹始不能容於朝熹去而朝廷空矣累數
千言讀者為當時太息義烏黃潛跋疏尾曰
以侂胄中傷善類人所同知人所不能言至於

啟釁而遺國家之深禍則非公不能知不能
言也

進士林公

江南人

公名則祖字興周登景定壬戌進士寶祐中
丁大全以戚里婢婚事權倖盧允升董宋臣
因得寵於理宗擢為殿中侍御史在臺橫甚
陳宜中與黃鏞劉黼林則祖陳宗曾唯六人
上書攻之大全怒削其藉拘管他州司業率
十二齋生冠帶送之橋門之外大全益怒立

碑學中戒諸生毋妄議國政且令自後有上
書前廊生看詳以牒報檢院由是士論翕然
歸之號為六君子見宋史陳宜中傳

上舍金公

江南人

公名九萬字鵬程正誼齋曰理宗世變國危
猶甚邪臣史嵩之藉其從父彌遠之勢謬為
元宰封丞其貪侍從不敢斥其非臺諫不敢
指其惡甫丁父憂遂謀起復天命之喪其甚
矣乎於是太學生黃愷伯金九萬孫翼鳳等

百四十四人衆口同辭以攻厥慝其畧曰君
親等天地忠孝無古今昔宰我得罪於聖門
若斯人得罪於宰我此天地所不覆載日月
所不照臨鬼神之所共殛天下萬世公論之
所共誅其去夷狄禽獸不遠矣亦累千百言
嗟乎其言辭剴切義理剛正使戎狄聞之足
以黜其禽獸之行天地鑑之足以益其元氣
之和士類儀之足以啟其澆漓之薄惜乎理
宗庸闇不明惑於武學劉耐邪說皆指為遊

士而逐之也 通鑑節要續編

防護錄林忠烈逢龍墓在泰順泗溪石門

上舍二林公 四溪人

今為泰順縣

山即羅溪山

伯兄名逢龍字慶雲齟齬知讀書為文有奇

石縣西南百

氣遊即序尋赴從父湖北提舉仲默胄牒補

里一名西山

太學景定庚申會有邊警上書陳戰守計咸

淳丙寅與弟廷龍叩閣言事忤時宰意歸鄉

項字是項 字誤

里時江萬頃守郡侍以師禮壬申復至臨安

與同舍齊應魁等上封事乞正賈似道悞國

之惡罪宜急調兵解襄樊圍賈大怒削籍押還

本貫乃屏跡居寶巖山中德祐丙子元兵至

其將素聞公名索之山中追以行入城攘臂

怒罵以腹觸其刃而死所為文有草塘集二

十卷古論一十卷仲名廷龍字雷發勤苦讀

書與伯兄同遊太學亦被執不屈而死

進士陳公 蒲門人

公名魁祥字壯行有文行登咸淳十年進士

第授淳安尉宋既革命輒棄官去閩帥以連

江宰強辟之弗就嘗與文天祥言及宋祚不

競輒歎歎流涕忠憤之志悉見於詩有荷渚
詠史等集見蘇大年鄭李明文集
公名景熙字德陽由太學釋褐歷泉州教授
禮部架閣丙子元兵入浙盡發越中采帝諸
陵餘骸棄草莽中人莫敢收公與友人鄭宗
仁痛憤相率為採藥者至陵上以草囊拾而
收之又聞理宗顱骨為北兵投湖水中復以
錢購漁者求之乃盛以二函稱曰佛經葬之

杯
杯

越山而種冬青樹其上因托夢作詩以寓意
詩曰珠亡忽震蛟龍睡軒殿寧忘犬馬情親
拾寒瓊出幽草四山風雨鬼神驚又曰一垓
自築珠丘土雙匣猶存竺國經獨有東風知
此意年々杜宇泣冬青又曰昭陵玉匣走天
涯金粟堆寒起暮鴉水倒蘭亭轉嗚咽不知
真帖落誰家又曰橋山弓劍未成灰玉匣珠
襦一夜開猶記去年寒食節天家一騎捧香
來凡數首聞者知而悲之後歸教授以終所

著有白石稿白石樵唱後人刻之為霽山集

國子正鄭公焦下人

公名樸翁字宗仁弱冠入太學宋咸淳十年
賜上舍釋褐歷福州教授除國子正時異勢
殊遂不復仕退隱薌山瀑下元丞相伯顏幕
下有僧總統楊勝吉祥發越上宋諸陵聚骨
於錢塘寶勝寺塔下厭之餘骸暴露人莫敢
收公與友人林伯陽數人痛憤遂相率為丐
者背竹籬手持竹夾遇物即以夾投籬中果

得高孝兩朝骨又聞理宗顛骨為北軍投湖
水中購漁者求之亦一網而得乃托言佛經
莖於越山不敢明言其事乃作悼國賦以自
傷其辭曰我生不辰兮逢茲時戾慨太皇之
燕翼兮歎為億萬年計幸聖神之一脉兮咸
清寧於數世何穹窿勿永眷兮奸譖肩摩而
踵繼罹腥羶之荼毒兮致乘輿之播遷粵南
渡而馱驛兮國勢其日蹙為我適生於流離
兮惟歎歎而不忍言國統正於蒙古兮金枝

霜木其凋殘棄遺骸於草莽兮吾則暨同志
托佛經於越山恥狗彘以自污兮寧嚙雪瀑
下之蕪灣原吾系之始終兮由避閩而卜於
昆之舉門江口北岸族遭國步之間闕兮遂
傍徨而四分或金釵河名江口南岸族而學
湖兮棣萼慈得以愛親或焦下而揚鏗兮宗
族奚容以睦姻或鄭樓而外沙兮各保一隅
以自存何若此之渙散兮值氣運之湮淪噫
嘻吾豈以家為念兮惟社稷之是悲使國祚

真可億萬年兮三代匪繼於唐虞張泰離之
與今假管城以書其鬱結與覲家譜及江址文

林霽山嘗誌其墓云余與宗仁生同里學同
師由長至老同出處人與其同然而是非渺
忽之際更相箴正以至固爭極辨不苟焉為
同也宗仁學聖賢之學沉毅直方自許致澤
至於志不獲遂猶以語言文字扶植綱常精
衛填海馮霄啣土重可悲也晚慕顏子坐忘
竹雲一榻竟夕不寐余聞而貽書以真知實

踐四字致愛助公自信力謂吾已得大意余亦不知公之所自得竟何如也其所居齋扁曰初心有四書要旨二十卷禮記正義一卷續古雜著三卷厚倫詩一卷直六日精
古人云莫為之後雖盛勿傳後之於人大矣吾家宗仁公其先自江口贅焦下遂為林焦下人朝夕與霽山公以德誼文章相砥礪今讀悼國賦與林公誌文一字當一淚潮上拾遺骸樹冬青一事兩人同此苦心

同此瘁力同此高風偉節感慨來世乃林公得與史文璣公合祠鬻序且歸其坊表曰南渡孤忠而公獨湮沒不傳何歟蓋公一孫如圭敦行好古慕前倉史公講性命之學復自焦下歸宗瓶無宿粟遭時兵燹後胤弗昌遂使公著作之富姓名之懿與流水俱逝思恭每過故里一凝趾間野草荒煙若助人悲思竊欲效古人興廢繼絕之義闡公數百年已往未發之潛昭學校

千萬言將來公大之典懇請當道使公
得與林史二公俎豆一堂坊表百世詎不
盛與而世遠族微竊恐不知者有附梁公
拜子儀之誚而未敢言也姑識於此
州守二周公睦源人
公名嗣德字宗道父應奎歷任多政聲以浙
東帥府同知致仕公蔭授官至正十四年盜
起閩括蔓延溫境瑞平尤罹其害浙東帥恩
寧普檄公權平陽州事遂與弟誠德字守仁

邑志作師

召募義勇團結民兵招補屢獲賊酋李師吳
第五等境內以安守仁累官浙東道副都元
帥方明善深畏之乃賂遺麾下使徂伺於內
宗道遂被執囚於鄞守仁大罵不屈明善趣
左右剗其皮罵不絕口曰雖蝨粉我猶愈從
爾苟活况剗皮乎既死猶屹立州父老感其
功德立祠祀之
守禦童公童橋人
公名環字文甫初從同僉周嗣德守禦周為

方明善所擒公曰吾主既死吾生曷為乃同
鎮撫陳達招集潰散軍士五百餘人誓死力
戰擒獲方寇偽知事鄭子敬等遂敗去明善
遣弟文舉再往攻擊公度不能支請援於國
朝處州參軍胡深遂克復平陽州城洪武初
以平閩寇有功授武德將軍福州衛左所千
戶

義士謝公

湖口人

公名南字天啟洪武辛酉括寇大哄脅從者

衆主兵者募忠義士往招之公毅然請行冒
白刃論以禍福脅從者欣然來歸已而延安
侯唐公摠步馬軍來討公迎之其道所以由
是止戮渠魁而釋其黨活人以萬計唐公將
班師遺使奏原註誤者罪朝議難之公伏
軍門叩首請赦唐公復為敷奏始獲原宥士
夫咸義其有遏亂救民之功後以薦授山西
參議卒於官

都憲王公

象岡人
官業名臣

弟宗彥

宗祥附

公名珪字宗遠以字行號肅庵洪武間應聘授光祿寺丞轉稽勳員外郎權大理寺丞論囚江西斷疑獄二十餘前後十三疏剛直敢言不避權貴歷左僉都御史奏立禁約事四十餘條上嘉納會朔方軍民有讜詔問廷臣能撫安之者以公徃晉副都御史錫之劍履既至撫定軍民乃與布政廉潔等十八人條時務二十六事并及燕邸遂坐朋黨謫戍尚書高至懷等疏公忠直純厚以諫得罪可召

溧陽

用以開言路遂召還至九江卒於旅次追贈都御史論祭嘗曰君子居其位則思死其事食其祿則不避其難其忠義類如此蕭山魏驥銘其墓所著有肅庵集十卷弟宗彥名瑛舉授顛榆令改溧陽陞應天府治中所至有聲以親老乞致仕著水軒集宗祥名璣授鳳陽府教授著冷齋集

即中方公

白沙人

公名函字子深以字行號果庵少時與王宗

遠兄弟師事徐宗起潛心聖賢之學丁元季
不欲仕時異端紛藉禮法廢弛公屏絕浮屠
一遵文公家禮躬行範族倡鄉飲禮以率鄉
人人入國初王都憲為部郎時以賢良荐
授禮部郎中未渝月上時政八疏既又進救
時急務十四事上皆俞充賜以錢帛名震京
師未幾進兼鴻臚寺卿中官瞿密等貪縱三
上疏請裁之不報乃條漢唐胄節楊復恭故
事為喻中官遂見斥人皆為公危之公厲聲

曰為臣死忠為子死孝乃畏誅戮而附權奸
以僥富貴此商賈謀利之徒吾豈為之乎後
竟以此罹禍其宗戚方遜志哀其辜非為作
果庵傳以白之謂國初俊彥羣興惟先生
不顧刀鋸屹然敢言抑奸排偽不少姑息試
方之東漢三君殆相上下不遠矣所著有葺
巢等集皆亡於變故云

大卿湯公

坡南人

公名宗字正傳以貢入太學授河南按察司

僉事歷山東按察使左遷刑部郎中蘇州知
府轉大理丞外夷貢使病死從者謂醫殺之
獄成公曰夷人於醫素無仇寧有故殺之情
乎卒辨其寃官至大理卿接一統志麗邑志
思恭往在永康衙齋因讀鄭端簡吾學編又
讀李卓吾藏書俱云湯宗不知何許人建文
初為北平僉事預上言按察使陳瑛密受王
府金錢有異謀朝廷逮瑛遠謫靖難後立召
瑛為都御史瑛遂陷宗論死因意當時修志

或諱言靖難事不勝撫卷長嘆痛吾鄉忠義
之湮沒也曾為刻之四言集中謂與方遜志
同死而姓名則與雪庵和尚東湖樵夫同其
翳然也及歸聞隣人有公遺像往拜之見其
上載公救命一通為洪熙元年十月事後開
公歷官十三任初任北平僉事至是陞大理
卿則公實未嘗死陳瑛之手也盡信書不如
無書誠然誠然雖然抗言王府異謀為忠臣
其後政績爛然史冊為名臣公亦人傑也哉

抑崇金公

灘頭人

公名伯遜一名軒字抑崇少從鄉先生林養晦游涉獵經史博極群書尤長於易著策如神永樂間著書萬言以細民詣闕上之謂三皇有開天之功堯舜禹有再整天地之功我太祖皇帝有再造華夏之功因條便宜八事一曰尚治道二曰廣招賢三曰選守令四曰興武學五曰擇掌印六曰輕賦稅七曰整旌善八曰行家禮各累言千餘言未報而卒所

著詩文曰集寥生稿

給諫鮑公南門人

公名輝字叔大宋元豐諫議純之後登宣德癸丑進士任工科給事中改刑科正統己未京師大水請濬支流廣水門立閘以時啟閉都民深德之朝覲官至公奏車服以庸虞廷盛典盍庶其治行旌之以勵有位上從之得布政丁汝等十人賜金幣宴禮部延緩點校証都御史受賄鬻法命公往廉之抵証者罪

瓦刺入貢廣貿馬金恐其鍊為兵器亟請禁
之己巳虜犯邊上欲躬出塞公屢上章諫不
聽遂扈從北往效焉
公名憲璣字信卿隨父南京驍騎衛戎籍登
弘治己未進士歷新喻知縣刑部郎高州知
府調南昌矢志勁節與宸濠抗孫許遇害之
日公亦被囚以公南京人歌倚為响導執械
手足兩孔流血行至九江以從者戴德解公

縛亟走都御史王守仁相與定計用南昌太
守旗幟給南昌謂為殿下取糧食也南昌信
之開門迎公乘間悉王府積貯器械一火煨
燼復遁歸及奏凱論功忌者或議公不死遂
削籍返棹江東杜門六載有自鳴不平錄後
事白稍轉運使竟不起子守矩舉嘉靖壬
午應天鄉薦為邵陽知縣次子守益舉嘉靖
乙卯應天鄉薦為撫州推官轉桂林同知俱
有能聲其忠義之報耶族孫庠生旭號印湖

痛字疑是
病字

篤行君子修宗譜葺先墓請於當道建父子
兄弟登科坊以大賓享壽九十終林回缺無
知府吳公河前人徙市心
公名寶秀字汝珍號惺臺為諸生體羸多痛
如不勝夜而忠義自許同儕咸以半仙誚之
己丑成進士授平事歷寺正幾十年橐洗如
也出守南康聞湖口稅廠中貴橫甚即痛絕
之遣廠卒陵暴商船倉皇撐拒自溺六七人
乃執賈數人羈南康獄歸報中貴中貴牒府

解逋稅賈併攝當土居民不救援者公顰蹙
曰是不獨無生賈且及無辜百姓矣吾寧無
官必不忍以民命徇人故久不報中貴怒以
抗旨匿稅誣奏被逮郡民走京師叩闕上書
以身代者千餘人其妻陳氏以死殉之臺省
交章申救宮闈亦憫其節義為之解釋得旨
宥歸卒於家康人德之立祠祀焉且移文至
鄉郡各有專祠有司春秋致祭名動天壤云
論曰夫貪生畏死人情乎乃忠義之士時

事一激恬然趣死是豈樂以頸血濺地活
身後之名哉蓋真見夫君恩如是名教如
是斧鑕刀鋸有不避耳昆雖小邑剛憤之
性得之天植者為多自黃公友而下職任
雖殊忠誠許國則一百世之後聞其風撫
其遺事猶能使英雄灑淚非烈丈夫而能
曾然乎方今奴氛未殄海寇未平使有通
達國體如顧公輩若而人軫念民瘼如吳
公輩若而人枕戈待旦以足心黑子為志

如黃公輩若而人天下事可無虞矣賈誼
有言曰法度之臣誠死社稷守圉捍敵之
臣誠死城郭封疆而任公訓子亦曰咬定
牙關大家成就一個字菓澤老儒寧不於
食肉者深致意焉



東昆仰止錄卷四
後學鄭思恭編次
文昭味公
嘗著紀年備遺始堯舜迄五代若呂武王莽
曹丕朱溫其削紀年以從正統曰此吾為書
之志也葉水心序之且云此書一出義理所
會寶藏充斥人始知其能傳陳氏學也躬耕

東昆仰止錄

卷四

後學鄭思恭編次

文學

文昭味公

三橋人

從子元昇附

平友

公名黼字文昭學於瑞安陳止齋不事舉業

嘗著紀年備遺始堯舜迄五代若呂武王莽

曹丕朱溫其削紀年以從正統曰此吾為書

之志也葉水心序之且云此書一出義理所

會寶藏充斥人始知其能傳陳氏學也躬耕



於南蕩山抱其學以終公從子元昇字一
嘉定武進士亦棄官不仕入南蕩山曰士當
窮經貫道備三才之道者莫大於易研精三
十年沛然有得乃著三易遺補十卷行於世
公名夢達字上父繆公睦程人
科進士授谷城令借武翼大夫江東路鈐使
金復桂陽盱眙三州知昭信軍瓊州武經大
夫按撫提轄海南諸州軍馬黎人向化立東

坡書院於雙泉改知德慶府交代餞詩有清
無香翠遮詩眼富有圖書著擔頭之句所著
有遊淮集十卷筦晉康雜著各三卷女訓二
卷行於世見江南文獻

公潛陳公

獵田人

公名剛字公潛嘗從石塘胡先生學時胡為
杭州西湖書院長見公勤苦晝夜不倦留之
於家同起居盡以所學授之遂通易詩書著
問難四書通辨述歷代正閏圖說渾天儀說

歷代官制說禹貢洪範手鈔為文倣西京詩
效漢魏應試累不就乃曰吾學豈不如今人
吾才豈不逮古人吾之不遇命也又何尤父
母皆年八十孝養至篤鄉里皆稱曰潛溪先
生章瑤洪鑄林溫陳善李時可王清等皆出
其門見府志

叔容薛公

南湖人

公名據字叔容玉成子淳祐間臺省交薦特
賜出身性明敏刻志於學弱冠名譽以彰諸

卷作篇
公題序作
二十篇

老爭相延致嘗念國家內外治疎為采薇天
保末議二卷念聖遠言湮采諸子百家裨官
緯紀之書輯為孔子集語二十卷念伊傅周
召之業不復見隨世蹇淺不能登其主於三
代又摭古今輔相經畧開濟之學粹為宅揆
成鑑二十二卷中書舍人劉克莊秘書郎謝
子強愛其書薦之朝畧云藩垣置事華皓不
衰上可裨乙夜之覽觀下可實崇文之藏貯
其為時賢賞識如此霽山文集

二林公 蓋竹人

公名之奇字偉卿紹興進士靜江教授著史
評千餘篇其載集議通鑑與同年福唐林少
穎同姓名而俱有聲太學族人名千之字能
一右庠賜第換文科歷南康江陰教授江淮
帥幕國子正入為博士樞密編脩信州知州
明敏博洽工文詞為江萬里所知迨元初徇
徻里居以翰墨自娛家藏圖書法帖甚富鑒
裁精審儒林皆雅重之有雲根癡菴集文獻
郡志

狀元周公 柏洋人

陳黃林三進士附

公名坦字平甫少穎悟及弱冠下筆輒千言
登嘉熙戊戌狀元畧官刑部尚書初公幼孤
母寡居瑞邑一大姓夢娶是婦當得狀元子
因媒繼室及公長果及第柏洋周氏與瑞邑
大姓爭迎前途彩旗一聯云來迎天下文章
伯歸拜昆陽父母家公即歸柏洋拜墓焉陳
公名正卿字子雅新洋人淳熙十一年進士
有詩詞全集南豐宰楊休稱其詩得唐人陳

子昂氣骨黃公名漢章字則象龜山人嘉定
十三年進士歷秘閣運使有茶坡集傳於世
林公名翬字元翌蘇湖人以賢良舉端平間
伏闕上書賜免解令修進安邊史鑑一百九
十六卷經御覽歷廣東經畧幹官

二鄭公江口渡頭人

公名汝諧字熙績操純行固言動必執於正
博學強記老不釋卷經史百家器數刑名之
書無不覽過目輒成誦時號武庫紹興入太

學會朝廷覃恩封其母乃曰吾母為命婦於
願足矣又何求遂歸隱麗邑志族孫名如珪
字伯玉宗仁公之孫也其先徙焦下及公慕
前倉史文璣誦性命之學復自焦下歸宗朝
夕躡屣走侍左右執經叩問援疑質理俯身
傾耳以聽久之學益博工文善書人咸寶愛
之師範甚端巨室爭迎致從遊者日集家故
多書常以借人有不歸者亦勿問廓如也晚
年寇亂家無完居楹袍蔽體讀書嘯咏自若

史先生每推重焉郡邑志家譜書肅和自崇
守仁王公王洋人咸淳武舉換文歷鎮江判
公名有開字守仁咸淳武舉換文歷鎮江判
司農丞尚書郎知惠州在右庠時曾與黃愷
伯投匭扣閣論史嵩之起復非是且陳盧允
升董宗臣之奸併攻余誨之師蜀無狀厥後
參謀戎幕征謀治法聞於當時博學多識自
經傳子史旁及仙經洞章過目成誦晚年遇
異人夏西成授以秘理黃巾野服道遙物外

卒為全人

胡汪二公

胡洋人

胡公名芳字秀實少穎悟九歲默誦九經與
弟葵聯中神童科真西山奇之及壯更名經
授其學尤長於春秋遂魁鄉薦丞相吳公時
為崑山簿司文衡一見定交省闈下第不復
出積書數萬卷課子自娛年八十猶誦書不
輟汪公名鼎新字進卿少孤自樹立明尚書
周易尤長於詩文有桐陽小藁二卷辛卯李

思衍行部浙東舉為郡學錄公學行文章為
郡儒宗門人因其自號稱之曰桐陽公並郡
志蘇太史集

子上陳公

陳庠人

公名高字子上登至正十四年進士幼讀書
日記千言所請問即出人意表六藝百氏之
言子上無學不而以求道為急凡詩文未嘗
苟作要其歸不當於理者蓋鮮矣自為舉子
時其所作已為流輩取重金華胡汲仲先以

古學名嘗傲視一世人於文章新許可獨愛
敬子上而稱之曰能其權進士也朝之名公
鉅人若翰林歐公太常張公禮部黃公十輩
僉謂子上之文宜用之朝廷施之典冊相與
論薦之蘇平仲文集授慶元錄事轉慈溪尹
既而東西浙陷遂棄妻子浮海過山東尋以
疾卒葬於懷慶城南四方之士凡自南來者
皆會哭揭兵部伯防埋銘稱其文上本遷固
不獵諸子詩上遡漢魏而齊梁以下勿論人

以為名言
古山
黃鄭章林四公附
公名嘉字德元號春谷仕為永嘉教諭大德
改元七月郡惠海溢時遣憲臣帥閩按稅
賑因上風潮賦詞采珣爛被薦授翰林院編
脩嘗修温州路志及重修東甌志平陽州志
時有黃震字子震龍江人延祐丁巳遊燕都
以薦授工部員外至正間奉勅諭諸道有皇
華紀行集鄭僖字宗魯鄭舉人幼好學博覽

經史尤長於詩賦古文駢儷詞翰登泰定元
年進士章祖程白沙人號宜行學於林霽山
先生工文詞嘗註霽山集刊行之林齊字希
顏夏澤人與友人陳子上何岳齊名時稱為
瀛州三傑俱有詩文傳世

林

聯璧鄭公

蒲門人

高

古

昔

兄名東字季明號果齋弟名采字季亮號曲
全俱以文學知名有聯璧集金華宗太史景
瀛為序其畧曰讀果齋之文氣韻沉雄如老

將帥師旗旌金鼓鼓續紛交錯咸歸節度曲全
之文規製峻整如齊魯大儒衣冠偉然出言
不煩曲盡情意然皆有臺閣弘麗之規而無
山林枯槁之氣嗚呼是可謂能言之士乎昔
夏侯湛與潘岳並美姿容人謂之聯璧初不
論其能文也能文如溫邢之敏贍生於異鄉
非出於一姓也出於一姓若二謝之藻麗非
出於一門也縱出於一門若二盧之雅逸則
一從焉二弘之典嚴則再從焉而同胞同氣

者蓋鮮矣若鄭先生伯仲其亦希世之士也
哉鄭先生伯仲其亦希世之士也

解元陳公江口人

孔克表公附

公名訥字尹言洪武丁卯科解元戊辰進士
授刑部主事公天分絕人自少矻矻窮經弱
冠思如泉源滾滾不休日試萬言倚馬可
待官部屬會疾作而卒人咸痛之時有孔公
名克表字正夫西關人洪武間薦舉為翰林
脩撰博學尤精於史學上命釋四書五經賜

御製論語解宗學士濂序之以比孔穎達云
然嘗登至正進士歷官瑞安判官永嘉縣尹
員外王公三都人
公名朝佐字廷望號蛟川初為塾師邑宰王
公約一見奇之曰科目才也收入邑庠登弘
治丙辰進士授南禮部主事遷工部員外郎
居官清貧父喪至不能喪葬郡人張公孚敬
素尊重之為言於郡守徐公宏賻之金乃始
克葬所著有蛟川集及主事考東嘉先哲錄

各若干卷
雨巖陳公仙居人
公名彥生字良弼世所稱百歲翁雨巖先生
也少年蜚聲場屋黃門馬碧溪公謫丞吾昆
品士稱國器劉廷湖公初試令亦愛之莫若
逆友屢試勿售以貢典教漳庠未幾告休白
首窮經靡倦於勤淹貫百家淵澄海蓄有觀
光錄測海錄居閩歸田諸集箱盈案積多發
前人所未發至如補邑乘剖別六曹吏治民

辭

隱如指諸掌辨樂律精研分寸猶能於千載
後訂史遷之謬賦中興贊揚敬一聖製其要
歸於持久伊摯之畜君也論正統取天地玄
黃而絕沙漠之蒙古即朱子之黜契丹春秋
之外戎狄也他如水色山光道遥軒諸賦之
嫺於辭其刺技耳立德立言允哉士林山斗
而富壽康寧備享箕疇完福大中丞徐公暨
藩臬特建坊表府治稱為熙朝人瑞公壽不
朽以公之文學聲光更燁然矣

文章東溟鄭公鄭樓人

公名文友字應仁號東溟見時輒穎異能詞
初受菽於鶴汀陳氏異之曰此眉山雛也諭
令屈首博士家一試邑侯異之督學阮公又
異之口誦其文大加賞隲一時文名藉甚東
臯王給諫走請偕時譽葉御史承遇李州守
宮及子^姪姪數輩俱接跡科第獨公數奇弗第
而公亦豪舉弗屑一第砥名節即縣無勿賓
禮嘗題齋居有進古退今一旦榮華猶短夢

仰天府地千秋名義是長生之句詩詞宗靖
節文宗子瞻理學雅意陽明陰興尤豪如銀
場福星諸篇天趣逸發令人讀之如憑虛御
風倒視塵世觸景運思精神俱徃意得盱衡
長嘯即對客坐忘之矣青衿士遐邇林集以
勿克遊於其門是耻與談推必移晷必觴即
蔬糲必飯勿厭蕭然四壁舞雩詩咏之趣怡
怡如也迄今邑里人士皆知東溟公之行誼
文章而卒以勿祿不克少展其胸中悲夫

甘肅州守制公

榆洋人從步廊

公名立身字思曾號鳳池生而岐嶷穎達四
歲母夫人曰授句讀輒朗朗成誦父賓暘公
教以對語應答如響有隸捕隣人急公嬉戲
其旁父屬對曰白牌批黑字公應聲黃榜寫
烏名烏公乳名也坐客驚異垂髻入邑庠給
諫王虹塘謫丞是邑見之曰此吾小友也弱
冠督學林大春公選雋士實胄監試王守仁
復爵從祀子孫謝表典則宏麗一字一金板

置首謂浙士無雙萬曆改元試南畿徹棘已
報元卷俄以浙江故抑第六狀元范屏麓公
請為塾師俾子弟受業所撰誥勅封冊歌頌
碑碣多公代筆凡七上春官不第授青陽縣
令公雖文士而饒於吏幹在事拮据百廢具
舉其大者則九華山為民間汰冗費一事邑
當孔道山距邑九十里士大夫遊覽輪蹄輻
輳取資於民不可計遠近香客男女雜踏趾
相錯於道以事香資聽豪僧攫取故僧日富

恣而近山制日窘促公悉心經營分東西房
立首僧更日迎客以餘資供應上官宴飲官
欣然飽去而民省驛騷之擾以至於今尤加
意造士視博士弟子猶子弟也捐俸給饘粥
膏油之費而淹貫六經時為諸生發疑抉異
修太白陽明祠在九華山者料材鳩工於農
隙為之民不知勞而士知嚮方吉水鄒南皋
兩為記吉與青隣南皋以直聲聞天下笑比
河清獨時時攜杖入九華與公講陽明之學

竟夕靡倦益重之也五載滿績轉山東高唐
州守竟浩然歸公故敏捷過人以南省高魁
遍交海內名士館穀范太史盡讀秘書故見
聞極博凡經史百家宇宙名物至稗官小說
醫卜星數蟲魚草木無不洞悉其理其為文
以構意為先反覆沉思意定而詞源滾滾有
沛然千里之勢所著有刪補尚書註青陽縣
志九華山志上蔡宗譜及星山遊叟集八卷
以精於祿以故預知某時當坐化含殮之時

亦其選定制園
百兵丘公沙園人
公名一龍字義瑞號雨川世為沙園所百戶
少小有異質聽市人唱樂府小說默記不失
一字父故貧不聽就外傳性吝拖不自檢束
稍長始折節讀書一入目輒成誦稍涉獵又
不肯竟讀間操筆為詩歌立就而意氣激昂
才力矯健滾滾數百言不竭弱冠襲世官乃
發古名将陣圖方畧問一究心每誦一過輒

醕一觥至醉即箕踞放歌嘔聲入霄漢兵
憲表公凌公後先聞公能詩歌雅重公或命
題奏一篇未嘗不灑然稱善有諧公使酒難
近者故終二公之任不使效二障之寄日得
筆札餐錢趣付酒家鳴吟達旦晚益拓落
無所遇詩道日益昌侘傺不平抑塞磊砢之
氣一以詩發之及耆請以兒代職某觀察難
以詩每句以八音字冠詩成乃聽公應聲曰
金風吹破以團花石屋分泉自煮茶綠盡已

知蚕欲老制殘還喜笋初芽匏瓜霜後終難
繫土偶春深未足誇革故鼎新身合退木奴
洲畔繫歸艇觀察嘆賞久之遣歸素善祿命
家言乃垂簾即市中諸縉紳及文人學士爭
為具酒脯迎致公攝敝衣冠據上座獵鬚譚
天下事鑿如見或拔所攜杖作劍舞跳盪
合節四座盡傾少年或以酒侵虐之不為迂
即拂衣去雖謝過百方弗留也後以老病終
於家而世竟無傳之者其所著篇什亦散逸

不存惜夫意無軒之古其西蕃蓋林布清
論曰學士家尊崇理學而又侈譚文學豈
合理學文學歧而二耶蓋文不根理非文也
夫學不足維持世教非學也昆雖海邑自宋
高熙寧以來以文知名者彬彬郁郁大抵根
極理要有足多者如朱公文昭之著紀年
傳而世統以明薛公叔容之輯集語而聖脈
以衍史公文璣管窺兩篇旁通曲暢大有
功於世以豈徒組織文繡刺映人目已哉

東乃近世制舉之儒非不抽秘思聘艷語然
不鳳鳴而數鸚鵡之巧依人唇吻效顰而
學步曾是而稱文學也與



公名鐸字振甫閩王恭如也徐寅四世孫隨
禮宜海濱曰為邵武王內子子熙學允年登
狀元第賜復姓有一封天子詩曰海狀元端
之句風太學博士時日下風子思徐指新法
善與人究博志鄉徒舉中太在密高太后

臨政尚書左丞呂公著嘗論公德性凝重剛
正不阿召入翰林待誨力詆章惇等及惇相
安置公於化州後擢給事中尋罷監亳州酒
稅累官吏部侍郎兼資政殿大學士陞吏部
尚書生平蹇諤抗直敷歷中外所至有聲卒
於家之浸月堂朝廷勅本漕為之塋祭見宗鑑誨義及史伯璿文集

提刑林公

四溪人學真從子待聘附

公名杞字茂南崇寧五年進士歷湖南提舉

李綱入相薦為吏部郎中出為湖南運判福
建提刑會叛將苗傅敗南走公殺其黨張政
實首事人臺臣以為言坐擅殺削藉安置連
州紹興中中丞辛炳明其冤詔復原官從子
敷文閣學士名待聘字紹伊少有文譽登政
和五年進士為湖南提舉官李綱鎮長沙一
見與語喜曰王佐才也高宗永嘉執幸政薦
之擢太常博士校書郎秦檜建修政局已而
議毀公言陛下即位六年而績用勿成此無

他人無常責而各有私心積弊宜更○循故冗濫宜裁則惡其害已臣恐此○樂於亦玩歲愒日而已遷左司郎歷給事中劾衢州徙婺州挾摘幽隱吏不敢欺即為立終敷文直學士贈銀青光祿大夫中間策孝后詔制突厥大理等酋長四十餘番來歸深負一時重望有奏議四卷內外制等文集一十五卷弟姪子孫登顯仕者一時二十餘人

侍郎陳公

蒲門厦材人

峴陽均隄

邑乘選舉公
中政和二年莫傷
榜名臣政和六年
廷對第一

公名楠字季任登政和五年進士累官太常少卿禮部侍郎初為福建提刑時防秋卒戍殺帥臣公單騎往諭卒解甲從之至是坐議典禮與吳表臣俱罷尋授京西帥殄均房叛卒加秘閣修撰官至中奉大夫當秦檜用事以永嘉為萬里士之黃緣攀附者無不躡登顯要公為人主所知出入頓挫晚忤檜意遽罷其節概可想已有文集十六卷子汝賢知建州孫峴峴字來南以祖恩任浙東帥幹

淳熙間中宏詞科孝宗見其文稱許之知全
州增學廩蠲民租立椿脩倉建湘江橋除禮
部郎中書舍人兼直院坐不肯草蘇師旦節
度使制忤權臣免明年知廣州修城浚壕置
敢勇軍以壯聲勢峒寇以息召為兵部侍郎
未至卒贈太保二子昕昉昉字叔方知浦
城縣弭盜賑饑境內以安真德秀薦諸朝召
赴都堂與劉克莊等號端平八士除太常正
丞進直煥章閣樞密副丞旨權吏部侍郎丐

去知福州重士愛民威惠兼至召為工部侍
郎景定初出知建寧府屬邑產禾一本四十
餘穗除戶部侍郎乞錄用朱熹真德秀子孫
歷官吏部尚書進資政殿大學士卒謚清惠
子均均字子公早受學於真德秀歷知東
陽麗水西安縣除大理丞出為江東提刑再
除廣東提刑徭寇犯邊漕攝帥募少年邀功
縱殺囚數十平民於罔公審覈盡釋之帥不
快媒孽於臺罷去久之起知贛州兼江西提

邑東選舉公卷
重和元年戊戌
王日榜

威淳初除檢正適賈似道以平章事奉母居
湖濱欲以堂印自隨公爭曰堂印無出城理
免官後以秘閣修撰致仕年八十一卒陳氏
為顯宦侍郎即公不附權相太保公屹然不肯
草制修撰公爭堂印出城至面發赤一何壯
哉以稱庶幾穎川之陳不誣矣

侍郎蕭公

蕭渡人

大學士平益書

公名振字德起登宣和第調婺州兵曹婦翁
許景衡赴闕因請曰公至朝廷願勿見薦今
執政多私其親宜革時弊許然之高宗幸維

揚東南震恐婺卒數百挾刃斬門入公亟往
諭以禍福衆遂定久之執政交薦除監察御
史繼以親老乞外尋遷工部侍郎以誨和異
議出知台州仍坐薦楊焯謫池州起知成都
府適軍儲缺奏乞留對糴米八萬斛以足軍
食總計者勿使媒孽於朝再謫池州孽者遂
代其任而培克甚民愈思公事聞復公任父
老聞之歡呼以迎以治最加敷文閣學士卒
思恭嘗讀宋學士集有跋顧主簿書後深

為蕭公惜之其畧曰振本趙相鼎所薦士
因秦檜引之入臺遂親檜而疏鼎蓋檜主
和議鼎與劉大中毅然不從振劾大中以
搖鼎罷物議洵頗自悔復因楊煒上
書責李光狗檜以薦煒以自洗滌而不知
適為池陽之適矣嗟乎蕭公名德隆重吾
昆人物有幾一觀顧主簿之書再觀宋學
士之跋百世之下不免遺議士人立身制
行可不畏與雖然改過不吝聖人所與且

劉大中與父不睦安知公非實心痛惡楊
煒上書善責安知公非實心景慕而天竺
進香一疏斥佛氏之有讐不報有惡不鉏
甘忠憤之氣至今令讀者淋漓悲壯公非卓
然采室名臣乎噫豈可輕訾也哉
尚書林公益竹人弟應辰附
公名拱辰字巖起淳熙武舉轉文歷太府丞
工部尚書通金國謝使除淮西安撫直寶謨
閣准東運判兼提舉知揚州後知婺州廣東

經畧安撫立朝剛介不附史韓有詩傳刊於
平江春秋傳刊於婺州弟名應辰字漕起淳
熙進士監尚書六部門所著有易說騷解

侍郎徐公

沙岡人

公名誼字子宜登乾道第孝宗臨御久威福
自己臣下多惶惶顧望公入對因論樂制從
容奏曰臣聞宮亂則荒其君驕商論則破其
臣壞聲音之道與政通也帝改容曰卿可謂
不以官自情者矣光宗即位公言三代聖王

有至誠而無權術以寓諷焉歷史部左司郎
工部侍郎會御史指以為道學黨謫南安軍
移袁婺二州有頃起江州進寶謨閣知待制
知隆興府公仕三朝俱為人主所委信當孝
宗崩光宗不能執喪朝野洶洶公以書譙趙
汝愚曰自古人臣為忠則忠為姦則姦忠姦
雜而能有濟者未之有也公內雖心惕外則
坐視非雜之謂與國家安危在此一舉汝愚
乃與憲聖太后議立寧宗後韓侂胄自以為

功汝愚與公俱貶公論寃之洎侂胄誅絕口
不言前事謚文忠今有專祠祀公在奉都鳴
山寺內直隸晉未之西公內雖以公內限
公名仲剛字子復登乾道第初為金華主簿
衢州大水當道屬公覆視而後賑公曰防吏
之欺將使民實得食也待覆而民不食死矣
當道是其言出米任其賑民賴以活移臨海
令民信愛之召為刪定官遷國子監丞知全

州減浮費寬商稅使自概量無斛面擇學使
教其弟子而親執經誨說曰此古人所以富
庶而教之也丁父憂民扶柩哭送數十里曰
何時復此太守子後終提舉浙東常平階朝
請即至蔡公步廊人狀元蔡公步廊人蔡公狀元蔡公
公名必勝字直之乾道初中右科狀元授江
東將領召試為閣門舍人侍臣曾覲方用事
莫其來見公故不往出知邵州陞辭論擇方

面人材為天下大計孝宗異之命丞相留公
館伴辭賜帶御器械在邵二年公私便之光
宗在東宮聞其不見曾覲歎息稱佳士及即
位擢知閤門事孝宗升遐光宗不能執喪公
與同里徐誼要趙汝愚定議立寧宗韓侂胄
忌之出知廬州既鎮淮右遂議浚淝河造戰
艦為恢復計未就擢吉州刺史奉祠卒公為
政先疾苦重風教封馬亮包拯之墓建趙立
魏勝之廟且以公田給祀事云子儀孫塤俱

登第

知縣鄭公

冰心人

潘公附

武義丞

新淦

公名璽字仲酉登紹興第為天台尉武義丞
三知新淦縣終宣教即為丞時上封事數千
言天子下其書使第其可行者條上之新淦
素大邑誅責厚累公至盡疏邑病頗有蠲免
縣以大治卒於官人咸惜之同時有潘公名
次鳳字應饒亦登紹興第為南陵丞時建白
經總制錢病民乞減三之二得允所請治葉

氏獄其家圖像祠之後知通州靜海縣有文集若干卷

狀元朱公選口人鯨武進士陳公附

公名熠字明達端平二年右科廷對第一特賜進士出身除監察御史上疏畧曰境土感而賦斂日繁官吏增而調度日廣景德慶歷以三百二十餘郡之才賦供一萬餘員之俸祿今以百餘麗之民力瞻二萬四千之冗員欲寬密民力必汰冗員不報遷同知樞院事

歷事三朝為主上所眷知咸淳末賈似道柄國遣歸時有陳公名正夫字適道陳庫人咸淳四年右科進士歷石門令後上萬言書召試問門發遣安慶府知滕州

祭酒二陳公一陳勞人一下滂人

公名力修字介翁登紹定第除禮兵部架閣被旨督運江東以給豐漣盧壽五閱月致米三十五萬斛邊儲用足擢通判太州大書於門曰報國當逢無事日監州不是拘情官為

浙西提刑海寇蘇阿六衆所切齒前使者置
不問公設計授吏擒之詰其罪立誅之而貸
其黨浙右震肅除祭酒兼中書舍人面對言
揆路蔽賢之罪理宗大悟會戚里有以濫恩
驟進者格其命遂奉祠去盜起狄蒲朝廷欲
鎮以舊人召與憲節往行訓諭盜聞風遺去
久之復請祠歸公識見高邁遇事敢為所為
聲譽燁然時有陳公名懋欽字堯俞下滂人
寶祐進士亦歷官國子祭酒戶部侍郎為太

學生時與黃愷伯金九萬等上疏極論史嵩
之起復事

侍郎應公

西關人

林公附

公名節嚴字和父免乳習九經七歲中童科
甲辰登武科庚戌換文科歷書庫學錄司農
丞淮西提刑兩浙運判刑部侍郎權吏部寶
謨待制中奉大夫在六館時巨璫黷政公與
同學九人扣閤陳其罪不報同時去國海內
高之其在淮西烽燧急則進策元戎率衆登

俾身犯矢石籌邊應變識大體周細務治獄
督餉咸盡其理壽九十問以攝生之術笑曰
我有夜氣丹盛夏有微疾精神笑語如故一
日正冠坐命孫侍戒以修身齊家之則語畢
而瞑時有益竹林公名世聰字達叟初尉新
化邑介長沙零陵間與五溪犬牙相錯會強
事起羣蠻挺亂殺官軍勢張甚公挺身部砦
卒與戰手擒亮渠盡降其衆罷境以寧繼宰
石門有聲終侍衛司馬機宜文宇封翁史篤

參政林公 益竹人

進士陳公附

公名陞字若高洪武五年由秀才舉授四川
岳池縣丞入謝伏闕奏言古今帝王治要條
對累數千言稱旨以母老乞近任改應天府
江寧縣丞歷官至四川左叅政其後有陳公
名端字執中金舟河頭人永樂十年進士歷
山東青州直隸太平江西南昌三府通判在
太平時江西九江府城南故有周元公祠年
久祠廢遺址為九江衛屯軍所侵公奏聞復

新其祠

即中陳公

西關人

曾孫玘附

公名奎字秉文幼孤育于祖母范氏性穎悟

永樂間舉進士歷禮部主事工部都水司郎中

居官二十年三使夷邦嘗疏解太僕陳汭馬

政之譴蠲逋戶以萬計正統初與議國家大

計以北虜也先桀驚侮其君瓦剌普花勢必

犯順宜於河套懷來等處增城堡以防馳突

於是謀復東勝不果又論中貴王振之黨王

山彭得清以救侍講劉球廷論壯之至己巳

果有土木之難惜乎其卒於官而不得竟其

用也後四世孫名玘字瑞光積學有士行會

昌教諭有古山集自西關徙居學旁之官山

公名洪字大正正統間領鄉薦第二景泰甲

戌登進士拜監察御史糾繩獻替動輒千數

百言所陳八事皆切時務歷內外臺九載風

裁凜凜所至有聲龔擊巨盜朱紹綱生擒土

人阿蹇以廣東按察使歸屢薦不起

麟侯考邑公名麟字仲瑞為諸生時識者已卜為大器

舉進士登成化癸丑進士授工部主事奉差抽分蕪

湖雅持清操按歲北常數多積千餘金擢本

部員外郎轉正郎遂卒所著有壁書要畧

公名迪字仲允號恕菴永樂時貢入太學授

河南開封府判時有事皇殿舉海內廉幹者

麟侯考邑
乘宦業選
舉進士
宦世名成化已
在進士
經字誤書白字
邑乘宦業
及經籍最壁經要畧

十六人公與焉竣事上勞以御題扇一柄復

濬黃河紀功修包公祠諸善政陞儋州知州

甫期而卒在開封有余俊年少穎異公以國

士遇之後聯捷巡按兩浙至甌詣墓奠為建

畫錦坊以傳之有西關族子名吉字惠卿以

景泰貢入太學授江西南康府判廉平寬厚

催科不擾康民德之有湖山秋月吟至今膾

炙人口以督辦事繁感濕疾謝政而歸

主簿徐公西門人

曾孫煒附

公名欽字啟寅少遊邑庠成化乙巳貢入大學
學大宗伯王華器重之狀元錢福為莫逆交
授江都簿蒞政清慎門杜苞直職董馬日加
蕃庶邑大飢骸骨枕野公署邑篆力請發廩
賑濟死者施棺槨民咸賴之以勞瘁卒於官
民痛之遮道哭奠詳古栝李瑾撰記曾孫燁
字明文亦以貢為楚湘教諭克纘厥緒
知縣葉公南門人
公名衡字廷衡孝友博學景泰間貢入太學

授濬縣知縣操持廉白人呼葉青天云濬素
多訟公發奸摘伏民莫能欺有盜子貢墓者
殺數十人以計擒獲之人以為神濬地隣彰
德其守將不戢士卒恣為暴公奏譴指揮三
人百戶十人由是軍衛警服民得寧息臺諫
交章薦之以老謝病歸稱宜休居士有集
知府童公童橋人
公名器字大用弘治己未進士授工部主事
分理臨清廠移督清河課工勸能咸有程度

籀字疑是籀
字訛

力絕中貴之籍勢者時逆瑾用事其黨橫
見公無不斂戢出知鎮遠府民獠雜處素號
難治公至恩威並行掃剔諸宿蠹痛防欺詐
郡中咸謂太守神人畏法不敢犯夷有星子
籀者煽亂計擒之太抵公為治專戢豪狡撫
善良籍民善惡名榜之通衢示懲勸令民婚
喪死以禮諭告反覆俗以至變後以監司有
隙罷歸所著有東川集易經講意不負墓皆
知縣通判陳公仙居人

公名經言字子慎號順菴弱冠試有司輒占
高等以貢授福之壽寧訓閩署邑篆有能聲
擢直隸巢縣令下車詢民瘼極意鎮綏臨政
務持大體即管內風土毛舉細故聽瞭罔或
闕遺乃盡寬其繩約毋過為矜炫刻核令民
得自便治巢六載士民戴之撰次公行畧為
循令考成錄咏歌盈帙遷梧州府通判以壽
卒於家

知縣杜公

象舉人

從子汝述附

揚名乘卷四
稅課局在廟前
洪武間設洗
其址為嘉果園

公名克遜字宗膚號越江少異常兒攻苦夜
讀至耕者乞火以為常嘉靖甲子領鄉薦戊
辰中乙榜第二人銓曹薦署某名庠教事公
曰我不能成進士反能為人師耶於是益自
淬勵至廢寢食令何侯素重公贈城隅桑果
隙地為齋益資公謝却之凡五上禮部不第
授歸化知縣歸化故事新令至諸賦長釀金
盛為其燕令佐貳師生次第列而諸賦長亦
附席廡下公愕然曰以長令與齊民飲一廡堂

耶命撤之併其例金千餘擲之地一縣驚服
新壇壝學舍名諸生躬教之旌別勸率士風
丕變受訟牒必先命其人親識者和處之
不即和者片言立剖毋滯獄三年教化大行
然於豪猾寇盜不盡法不止也有山寇李少
洲構黨嘯聚隣邑莫能制蔓延入境公以計
登執十八人盜擄盡升屋瓦如飛命引出悉
斫其拇指曰吾為百姓除盜奚恤為捐俸製
檻車械送憲臺某公奇其事下檄旌異而捕

寇同知某忌其功不自已出會入覲中以蜚
語調陝西行太僕簿轉開城監正兼署黑水
監職司戎馬地當衝要極力振釐簿覈丁馬
除補牧卒得免騷擾再轉羅城知縣浩然賦
詩而歸有五畝桑麻陶令宅一犁春雨杜陵
田之句公心地坦夷操履潔白居林十年非
賓飲不入城市築空象山之隈闢名園半畝
每遇勝日攜鹵榼棋枰邀弟姪及諸名士觴
咏陶然仙如也所著有秦遊集若干卷從子

汝述字崇聖自少質性純懿莊重寡言弱冠
遊邑庠隨仲父越翁清苦讀書及翁出宰委
公家政幾十年一縷無所私庶母弟汝遇六
歲時失文友愛教育卒底成立先是越翁艱
於子族多睥睨之者法應汝遇出繼公曰無
庸吾叔仁人必自有後爾曹何為者乃割已
腴田畀汝遇使守已勿渝生平體本孱弱益
以恭謹身不勝衣言不出口無崖岍峻物之
行亦無矜矜昨抵掌之談色溫氣和人無賢愚

貧富一以禮接俗尚澆漓公獨能斷之尤為
君子故附見之
論曰政事與理學非殊途也理學必措諸
政事而後實耳大學言明德即言新民以
止於至善乃知政事豈外於理學也哉故
時在朝廷則昆輔一人勤勩彝鼎時在邦
國則撫字萬民而遺愛尸祝蓋其所涵養
者粹故所施設者亦閎也方今東虜南倭
多事兼以旱溢靡常賦錢日急民生

斯際髓盡皮穿竊謂為之上者倘得赤心
憂國潔己愛民如徐公鐸以下諸賢出入
內外間庶幾玉燭常調而金甌永固乎因
特表而傳之俾後人知所則云



資富一以理格尚澆濁公獨能斷其流為
君子與者見之
論中政事與理學亦殊途也理學必措諸
政事而後身大學言明德即言教民以
正其身也
餘奏兩題文雅辭入吟詩四六
內持問氣勢便激常隨而金
憂國與子受身於餘於難如不
博習蘇畫文來漢書為平上
黃尚器赤心

東昆仰止錄 卷六

後學鄭思恭編次



首清正
公名彥才字用中宣和三年進士通判黃州
居官廉靖紹興初退相秦檜以永嘉為寓里
公雖隣近獨不謁及再相有薦之者止就部
注邑連江戲作小詩一首云命賤安能比鉅
公偶然年月與時同只因日上爭些子笑向

連江作釣翁蓋其所生年月時適與秦相全
但日差異耳後朱文公過平陽跋其詩曰常
人之情少有一善則自視侈然若有餘而其
責報也歎然常若有所不足所以善日消而
惡日長卒以陷溺於利歆之橫流而不自知
也大夫陳公廉靖自守不肯屈意權門寧俯
首於下寮終身而不悔比其晚歲僅以年勞
得官其世而所以省身知足之意見於短章
者乃知此其志念之所存與庸人也遠矣嗚

呼子孫之賢其亦深念而敬守之也哉慶元
己未十一月既望新安朱熹識見晦菴文集
世孫陳洽字元悅高才博古嘉靖間選入太
學時張文忠公在政府承制撰甘露詩百律
屬公代筆詰朝呈藁張公大稱賞欲授以官
公嘆曰依人取榮如生乎志節何竟不辭而
歸陳博字宗望授興化府學訓導於士多所
造就而江潮高超博博卿思義尤至後相繼聯
捷官東甌公已八十餘家居諸公繹絡踵門

博字宗望洽
殆從父見邑
志介

祠字是詞
字誤

存問以糲飯濁醪相歎未嘗干以私也其介
特之操均之不愧乃祖矣
蘇湖人
公名蕤字仲立十八歲與兄葵薰俱補入太
學同學生陳巢等上書隨駕至杭登紹興八
年進士歷知隨州除西京安撫副使為人恬
靜不樂奔趨時相秦檜使所親招之一見許
以要路固辭不赴竟奉祠去終朝請大夫
蒼巖周公雅山人西遊集卷之六

公名元龜字錫疇讀書迎解落筆輒驚人少
有老度窮有通識以六典貢清闈升大學擢
嘉熙第教授廬州開慶己未提轄左藏時太
學六士扣閣時相怒其攻已歆去之將以公
為諫官諷以已意公諫曰臺諫天子耳目
不可以市私思直士國家元氣不可以報私
忿祖宗三百年學校公論所自出奈何摧折
之乎語已束裝明日臺疏下矣景定初咸謂
相國公故人要津立致公尺書不扣光乾一

廢六霜已亥除主管官誥院未幾委買江東
限田公曰熙寧間海內無事王安石以新法
騷動釀成中天不忍言之變普天之下莫非
王土未聞瘠子以肥父而可為家者也聞者
震悚明日臺疏又下矣歸途中得疾及門而
卒公父戒軒先生交慈湖楊公簡鶴山魏公
了翁其家教根義理達事物公所樹立父之
教也自號蒼巖有蒼巖雜著八十卷訓鑑大
菟文苑心嗜師友四騷觀史大議管見彙要

詞科類稿奇字法語各若干卷 霽山文集

進士王公坊廓人

公名自中字道甫乾道議罷諸正人公伏麗
正門爭論且言今內空無賢外空無兵當搜
羅豪傑廣募忠勇以當中原坐斥放還登淳
熙進士第用中書舍人王蘭薦召對上壯其
言貌改官為藉田令通判郢州改光化軍還
朝光宗曰壽皇以卿屬朕卿姑為郎以相伴
乎公謝臣已累壽皇不敢復累陛下固請知

王蘭
王蘭足

筋

信州屢為忌者疏罷終朝請即嘗在時相坐
有饋物者客皆賦詩公得方字韻揉膝朗吟
曰世間此物多為馬寶匣還宜出尚方相色
愠客惶恐不安席公飲咬自若陳亮稱其文
曰韓筋柳骨獨步當時又嘆今日人材雖多
求如道甫髣髴邈不可得葉水心以公與陳
亮同品志其墓云志復君之讐大義也欲挈
諸夏合南北大慮也死行所知不以得喪壯
老二其守大節也春秋戰國之材無是也吾

得二人焉永康陳亮平陽王自中而已所著
有王政紀原歷代紀年厚軒文集出於
公買狀元徐公桃湖人
公名儼夫字公望博學高才以文鳴於時淳
祐元年狀元及第歷館閣因丁大全用事杜
門不出或勉其抑已謝過乃題桃符寓意云
一任證龜成白鰲那能拜狗作為龍大全敗
景定初起為禮部侍郎卒贈尚書所著有桃
渚集公為諸生時夢家有狀元扁為釘所傷

及登第忤丁相罷歸事皆前定如此
景文方伯杜公象器人平觀古書
公名整字思齊六歲通音律能賦詩舉筆立
就有幼童集成化戌戌進士授南吏部文選
郎在銓曹凡十年庶操直節綽有聲稱鄉人
張伯元於曹監公憐之而橐洗如因稱貸於
人買棺殯殮雇人扶其視以歸轉山東叅議
分守遼海督理糧儲邊餉不乏尋陞叅政在
東藩又十年嘗署方伯印當入覲屬吏或托

餽贖名盛貨帛以進悉謝却之廉名益著已
未冬北虜犯境公盡心邊事虜退上旌以白
金文綺衡荆二王封國東藩公董治第不日
成之而民不擾王就第亦以白金文綺勞而
公視之泊如也用吏部薦為福建左布政抵
任至杭七日而卒貧無殮資賴同邑某序班
其懿親也粥美棺殯之載以歸公為人清介
甘心貧窶利誘不回勢惕不沮歷仕途幾三
十年依然儒素夫人或乘間以為言公正色

曰爾不敬我清白即居官黷貨即如婦人失
節夫人面赭而退燕居九焚香危坐嘗曰人
以敬為主不敬曰愆愆生私愆萌於中矯揉
飾於外豈端人正士之所為乎因以敬扁其
齋所著有文貞集若干卷公父贈吏部介庵
公名詞章德誼歸為時表其子武進飛
雲公名承美文行並優家無瓶粟讀遺書教
萬卷與配姜孺人對几吟詩迭相唱和雖朝
哭哭不煙意自適也無貴介公子氣更無齷齪

千人態清操介行益三世一轍云集錄其年
大叅陳公拓園人寓居坡南
公名宣字文德號潛齋幼性雖穎悟而少敏
捷讀書五七行日移晷不能成誦跪而自搯
蘇蘇隕涕人以流涕宣呼之稍長奮志攻苦
不出戶外所熟讀書終身默識不遺一字既
而迅筆千言立就詞經皆列成化辛丑登進
士第二人授工部主事治徐浩頭等開漕商
兩便時議創新聞公力正之省費萬計陞刑

部郎中以同列章廷事連坐謫夷陵知州其
俗女耕男織信正事鬼公教以男耕女織崇
祀祖先倍遂雅地初言地宜麻鮮植木棉公
令家僅攜種子分各鄉併示以播種紡績之
法三年民習之至今享其利稱陳公布云尋
陞河南府知府毀淫祠十數創伊周二程祠
署後多曠地督僕墾為圃散步圃中見一僕
揮鋤鏗然有聲令掘之得藏金黃白無筭上
有石崇封號公藉其數畫白之臺臬以其金

充邊餉纖毫不自濡染即僕人不得取一介
也晉雲南左叅政當權貴用事乞休歸田時
公以喪子遺胤一孫曰壽甫弱齡自疑居里
遂卜遷坡南號四南居士病革孫壽甫入侍
詢以後事公曰足衣食子孫答以貧甚公喟
然曰吾居官廿餘年俸錢安在其後孫生六
子瓜分蝨斯於今為蠶天祚吉人豈偶然哉
所著有潛齋集若干卷

運副蔡公

榆洋人

蔡公

公名芳字茂之號資靜少穎異十歲能詩經
史百氏靡不遍貫居家孝友弘治戊午舉於
鄉五試春官不第授冠祿署正福建鹽運司
副使居官清苦自俸祿外毫無所取閩囚反
獄害查布政楊叅議等至公則舍去之曰蔡
公仁人也永嘉張少師為公同年友當困於
公車時極相契結歲時過從論議每至夜分
嘉靖初少師以議禮驟貴公不通一謁偶舟
遇漕河潛過之少師聞乃追與叙舊徵示將

為轉官意公以詩答之有一官到底終須去
百歲無多可念吾之句遂致政以歸嘗校十
三經註疏及著春秋訓義折衷諸傳喪禮酌
宜大祀誌等書

贈君蔡公

榆洋人從學前

公名瓚字獻卿號賓暘髫年隨諸父資靜公
官運司運司錢數資靜一文不澤公遂慨慕
資靜公之為其弱冠補諸生事母至孝初居
榆洋有傲弟私鬻其屋公置勿校而迎母從

邑城北第復闢入且透母公撫膺長慟慰安
母氏而盡其贖財讓弟且曰張公藝九世同
居我兄弟如此愧死矣苟計利而害義他日
何以見先人會與二子守身立身同廩學宮
遂卜居學傍從遊者日集門下公或不佞徧
指授則命二子分教之家極貧苦行堅守自
父子廩餼諸生胝脯外一介不取嚴毅端莊
言笑不妄發人有所拂則喞然見於顏面即
學師邑長不為稍屈日慝怨而友吾不能也

時改建學宮立石紀事遷督學薛公應旂行
部學官弟子相率乞文以勒貞砥偶竄入一
生姓名文內薛怒甚下令逮首事諸生急公
奮然曰是常勞動學事而附書名耳奚罪且
某年少徃必斃杖下我老成當徃會薛以遷
去事獲寢公滌沉簡重莫測崖際而與人言
罄竭底衷辨疑義折_毫毫芒則無所不盡性
恬澹不好鮮_衣衣而見人飢寒困苦不啻
痼瘼切身凡百_事為之賑恤貌質樸似庸庸

腐儒而遇事所當言所當為即人所不能言
不能為而毅勇決雖斧鑕勿避也晚年膺
貢上春官或勸止之曰公有子矣何自苦公
曰吾一生力學亦思有以自見耳授豐城訓
卒以子貴贈文林郎公博極羣書所著有詩
集二卷文集四卷四書集講十卷書經會源
八卷皇朝名臣錄略二卷歷代人物志畧六
卷通書便覽二卷惟格致集六十卷尚未成
編學者惜之

仙洲陳公仙居人
公名志學字經一百歲雨巖翁子號仙洲改
前洲以仙無當人倫也見時氣豪空羣百歲
翁善吟公亦抵掌竊吟初師伯父居靜翁授
麟經跳踉菰直作前輩語既而厭薄儕侶時
渡江師瑞安令吾崖王侍郎公王奇之同章
小郡公望初從父官棗得公最友善督學試
公高等當廩竟勿廩以讓次者顧屢困場屋
日惟詩酒與友人彈推吾崖公書自燕勗以

後母時損志而公終杓鑿無所遇章山公守
嚴貽書邀公連句賡咏絕不染闕說章山高
之贈鈞臺詞以歸給諫朱存敬以少年進士
為令赫有聲莫敢迂者屬選士偶收旁邑豪
家子公度不可力爭也當督學散卷時正色
前曰此竄藉者掣其卷裂之朱愕然終不敢
讓督學林石洲讀公文以為此前輩傑作復
欲廩之而公竟告養歸聚族中六^衰以上月
置酒為高年會會有父子詩歌唱和又非香

山洛社所可同也已及八^衰士林舉上賓時
賓飲非汰費咏吹^下然公曰此市道何溷乃
公第口占數律持空刺贊謝已矣公生平不
問產業有弟資甲邑里公獨詩興豪甚多至
盆篋一日指謂弟曰吾與仲孰多綈袍^香拖
胷腋皆穿不自知頭顱之盡禿也金城應越
山先生其館甥也贊^公小像有舉步一先民
焉^之絕後塵裂卷抗嚴令空詞赴大賓之句
亦足以概公生平矣

論曰嗟乎何今日言清正者之鮮也蓋由
理學不明士纔操觚便習於凡近溺於功
利既長而壯而習靡而志日蠹仕途則
括克無藝奴事上官而望塵亟拜矣居鄉
則苟且側媚乞哀奔走而惟恐不售矣求
其潔白之操一塵不滓素履之貞千夫莫
回如陳連江諸先生者可多得乎雖然均
實是人也均生是邦也均此食粟衣帛也古
人能清能正而我未免為鄉人則聞諸先

東生之風者真可以庶頑立懦而垂範無窮
矣



鄭思恭編次



公名公之字茂先紹興四年進士授承
州判官嘗歲饑家雖不富於儲命于士良志
發其家之所有以貸貧者償亦不較負亦不
索人咸義之其孫某南劍州官博成瘵捨稅
千其州地十畝於所居東村為義塚瘞之

論心學乎何今日言清正者之勢也蓋由
其學不明古鏡標厥便習於此近溺於功
利既長而壯而習一廉而志曰實任途則
指克無獲一事上官而望慶茲拜矣居鄉
則苟且一官而志曰實任途則指克無獲
其潔白之操一塵不滓素履之貞才夫莫
如陳建法先生者可多得士雖然均
其美也均生是却也均此食粟衣帛
其美也均生是却也均此食粟衣帛
其美也均生是却也均此食粟衣帛

東昆仰止錄 卷七

後學鄭思恭編次

高誼

茂先章公

浦邊人

公名公逸字茂先紹興二十四年進士授永
州判官嘗歲饑家雖不富於儲命子士良悉
發其家之所有以貸貧者償亦不較負亦不
索人咸義之曾孫芻南劍判官值歲疫捨視
千具捐地十畝於所居東村為義塚痊之

公名俊張公坊廓人
公名雋字公俊孝友尚義家居集後學教以
禮義捐腴田若干畝以贍塾師女弟適人歸
奔親喪傾遺篋取去衆駭異公曰骨肉之愛
為重恨貲不豐耳吾雖貧尚有前程也聞者
嘆服

高清叟林公夏口人

公名仲夷字清叟登淳熙十一年進士由吏
部郎出知台州於故里築陟門三所開河道

五十五萬五千九百丈溉四鄉民田至今人
興河洛之思

太常吳公吳橋人

公名蘊古字醇之由國子監試第一登紹興
第仕太常博士萬全三鄉南西負山北東遵
海為田四十萬畝上蓄衆流下捍湖鹵有沙
塘為之城壘先是村落各為埭以潴洩水滯
時至莫肯先決蓄害既成復起爭釁公始創
意為陟門用巨木交錯若重屋者凡七間周

以厚板櫃土其內虛其中三間之土置閘焉
又沉石攢捷以護土力以敵水勢費累數十
萬悉出其家然後三鄉之水盈涸則有啟閉
以時田用屢登俗遂和睦宋之才
有記重修則徐誼為之記
國器陳公 江南人 七 益 於 鄭公附 驗 興
公名瑾字國器言動不妄每損已益物初縣
驛道東北水中墊沒十里公獨用家力載石
取底東達海既成人德之號陳氏塘葉水心

有記時有鄭公名廉仲嶼門人坡南夾嶼南
北岐塘岫皆二十餘里以朽壤屢崩公倡築
甃以石民利賴之

陳營人

陳營人

陳公金公附

公名柔字冲約力修父性不善競里人有侵
其地者族黨謂當訟之公曰諾一日具酒食
會集議事食衆請所議公曰以酒食飽其昏
何如吾黨自樂之尋丈地不足較也衆愧服
人或見凌閉門不出內外呼為陳闔門云時

有陳公名大有字鎮國年飢減價糶穀冬寒
施楮衾糜粥給囚糧南市火民居流散公戶
其楮幣一副米一斗凡濟人事靡不悉力所
能而勇為之又有金公名城素喜周急庶子
歲飢日設糜粥以濟人全活甚衆其子孫青
紫相炳

義民林公下嶺人

公名居雅嘉靖間玉山汪公為令邑創陰均
陟門平陽瀕海水利多陟門陰均為大金舟

東西四鄉之賢儒巨室陳子直等各捐財物
躬率協贊以蒞其事先築上下堰以水施工
甃石礎劉石限更版閘二十層織罅无空表
裡堅好由是三十六鄉得蓄洩之宜四十萬
畝乾溢之患有年將不一書其利溥哉

明善湯公

坊廓人

葉公附

公名元善字明善業醫人倚為命貧者容者
躬為調理毫不責償甸埤山舊有漏澤園久
廢公捨地數畝為義塚蓋虛室以停棺

晦齋

斷

老人作陰德碑其紀事時又有葉公益字德
謹東魁人好施與葬鄉鄰之不能葬者十餘
喪歲饑出粟賑濟不受其償宅前有巨港廿
餘丈舊為木梁屢構屢壞涉者病之公捐貲
傭匠斷石板柱二百有奇建橋一十六間人蒙
其惠至正間以文學任處州錄判宜四十年
葉子勉章公白沙人二十
公名功懋字子勉洪武十三年以材學薦授
典山縣丞從子章信字惟恂洪武十四年以

明經舉授新豐縣丞一門敦尚禮義程身範
俗立義塾以教族人又與友人方即中子添
倡為鄉飲酒禮鄉人至今傳之

舜周葉公

南門人

公名溥字舜周父鉉以尚義補郎公嘗受經
杜方伯整博學能文邑令王維愛其穎悟引
為諸生以親老辭家饒於貲好善樂施父時
嘗造舟象口渡以濟行旅公承先志葺治之
數十年不替弘治丁巳築萬全塘乃捐金五

十兩為之橋行旅便之乙未歲飢又出米二百石施飯於證真寺以活飢者死則禮歸之會庚戌有詔募民賑助於是率其弟盛芳出粟如今皆受章服鄉里有爭咸詣取決為鄉紳蔡資靜公銘其墓

尚義諸公

周公普安坡南人正統二年出粟一千五百石賑濟事聞遣行人賫羊酒旌勞之復其家弟伯靜與柳靜亦各出穀同時褒異云又有

林天爵與弟信爵居家孝義弘治庚戌歲歉日設飯於門以濟飢者暑則施茶造橋梁立終慕堂濬塘河修圩岸日以利人為事又有蔡思權性質直家中業微不肯變節嘗拾金耳環於路坐以待其人還之俱見近有孔文昂亦出粟一千石賑濟知縣萬公民華請於朝建坊旌表

訥齋鄭公

公名思字允澤別號訥齋父叔英公以貢為

山東丘縣丞視恩縣篆時生公因以命名弱
冠以文行稱弘治庚戌貢上吏部試第九人
遂授建安訓導視躬範士宗廉質上禮讓東
脩之餽畏之若苞苴日以朱墨筆點記其意
向醇疵以為呈度建安士庶化之以長于喪
力請歸祖有墓田若干族不肖者粥以自利
公倡義捐已仍勸兄弟有力者各捐田足原
額定祭儀立族規以垂永久私粥者勿較墳
有巨積鄰人欺其遠斫之守者奪其斧以報

日已勲矣公頓足驚曰是必以為諸官非難
經則投水耳速命奴秉烟護其人馳還之族
有不克葬者十餘喪公皆為葬之歲蓄畬所
有餘則推以賑鄉里之寡乏者貸不能償則
慰諭之而焚其券有豪姪數侵其田及潞水
甯或以告公曰寧知非彼所宜侵耶子文夫
領正德庚午鄉薦公訓戒之謹自守於世紛
華盛麗請托貨賄未嘗一有濡賦也其高風
偉節不為鬼岸斬絕之行而長厚醇謹類如

此以八十七壽終
論曰太古醇熙之時未有以高誼名者以
舉世皆是無可名也世道既降人惟封殖
自私甚至家庭間假以勸讓慮有德色况
其他乎間有好名者偶一為長厚之事人
復華然以好名詆之嗟乎今人患不好名
耳恥為刻薄恥為篤行君子今日勉
一事明日勉一事積之一歲則三百六十
懿事矣何如一膜之外為胡越視人之顛

連傾覆若罔聞者乎昆俗尚鬼語以修齋
飯僧建剎塑像則欣然施捨自以為高誼
薄雲天而問其生平錙銖瑣屑有甚焉者
何者非其質也若張茂先諸君輩其殆德
量夙成義高千古生為可法歿為可傳所
稱古俠士偉丈夫之流也



因以名巖宣伊尹始桀終湯意哉賢者之意
余有不能測也故記又有林倪字仁藥仕錢
氏有功官至節使錢氏納土乃辭爵隱菴湖
之山棄隆采而耕此又何也以其里居世次
有不可詳者故附見之
仲碩潘公坊廓人
公名安固字仲碩少孤力學苦行素性恬淡
敝衣糲食處之裕如熙寧間遊太學得伊洛
之傳大觀中舉八行郡以其名應詔不就以

行義稱紹興初王師討寇范汝為道經平陽
官兵駭避公散財粟資戰士邑賴以安韓世
忠上其勞以宣德郎召力辭不赴

力行顧公 下滂人

公名近仁字力行才特俊邁值宋革命隱居
不仕學者宗之曰江南先生所著詩萬餘篇
名小慙集弟坡亦有文名安貧晦迹兄弟
愉愉如也見林霽山陳子上一先生文集

器之林公 江南人

不繫并漢
集有愚翁
墓誌銘

公名任真字器之幼從劉敬塘學涉躡經史
仕宋任修職即宋亡歸隱蓀水遂參水南家
學歷湖海采摭羣書藻繪科典黃籙立壇在
其贍若昆陽蓋竹洞天長溪右松福地安陽
崇真玄觀普度修煉之夕皆現大圓像其彩
九色遐邇驚異後竟以身隱不知其所終

處抑鄭公 上田人

公名昂字處抑志趣高尚不肯諧俗與人落
落不合隱居讀書處貧安分視勢利澹如也

雅好為詩工唐律清新俊逸一字不苟至正
癸巳冬叛卒陳安國據城以禮聘之公弗就
挈妻子遊西華山中事息始歸屬僉憲宋伯
顏不花行部義其事屢薦不起卒老於山有
詩傳世 不繫舟漁集有鄭處抑先生行狀

曆師陳公 江南人

公名宗少穎悟及長究心曆數遍遊江湖
未得其要及歸受業於陳時敏時敏既卒拾
其遺書閉門下捷研精覃思得不傳之妙於

文字間時敏之徒所推歷數多有舛訛公悉
校正之凡言曆者皆推公為祭酒屢薦於朝
堅卧不赴

書隱陳公

北山人

公名至字復陽號書隱自幼嗜學營產業惟
思經書與義立言以誨人構書樓研覃書易
皆有傳註值元末山寇擾攘空廬焚毀遺稿
無存後年老隱居徜徉丘壑壽終九十餘
子元孔公西門人

公名晚字子充宣聖裔也其先唐文宣公之
曾孫曰檜者避地吳越屢聘不就同光三年
徙居平陽公好讀書與其叔文克表同年至
正壬午鄉貢明年下第授宗文書院山長秩
滿歸以四郊多壘隱居養親有經略使至召
見上政畧五篇言天下利害嘉納之授浙閩
照磨使輔周嗣德守禦元亡不復仕有詩云
故居燒後拾殘編留得陶詩一兩篇彭澤豈
堪猶作令義熙何忍再書年

其辭亦今義無何再書果多有辨記公志
姑吾款款命發融留野園荷一兩篇後新
與處對解周國新台樂天子不窮其本
其土如各廷篇言天下匪害毒凶之
衛舉必以朕多變家司養縣首熱如
五王千雅貢出平不帶死宗文書新
其母平國公我龍書與其煩又度
會如日會者越此吳殊與題不
公各知宅子心宜與齊也其夫
每文宣公之

其辭亦今義無何再書果多有辨記公志
姑吾款款命發融留野園荷一兩篇後新
與處對解周國新台樂天子不窮其本
其土如各廷篇言天下匪害毒凶之
衛舉必以朕多變家司養縣首熱如
五王千雅貢出平不帶死宗文書新
其母平國公我龍書與其煩又度
會如日會者越此吳殊與題不
公各知宅子心宜與齊也其夫
每文宣公之

其孔子充元亡不仕論者謂其業元秩而
其不知尊夏賤夷何也蓋臣於君猶婦於夫
也仕之矣而夷之其可乎思恭竊謂不然
其譬之處子不幸而失身亂兵既而有極之
者則曰吾夫寇矣不敢更二夫也則人莫
不笑之以公之高才卓識當元末便以四
郊多壘評祿歸養幸而遭逢聖朝凡有
會血氣者莫不涵泳鼓舞而顧賦詩見志像
公巖以為廬結雲以為衣者死而不晦者是

其必有以窺我
太祖之微矣朕國舊臣始而縈遇終而誅逐
降如名士危素輩皆所不免而後知公之見
其遠也噫嘻
諡仁卿徐公坊廓隸下人
公名必有字仁卿狀元鐸之後聰敏奇岸儒
雅博洽遊燕都鄉人周提舉應奎言於中書
左丞許有壬甚加器重即命授官而主銓吏
求賂曰輦轂之下政以賄成志可行乎遂歸

隱柏洋山下作養善亭嘯咏終身自號逸叟
見編修蘇伯衡文集重刊命郊有補西堂先生發
蘇辨甫項公項橋人先世從西門蘇
公名伯文字辨甫武狀元桂發公會孫元季
亂文叔大起義兵佐舅氏周嗣德守禦屢以
功陞萬戶提綱公蔭繼襲職至正癸卯以國
朝兵至括蒼與童環由間道納款隨導參軍
胡深兵馬南下尋改武節將軍鎮守昆城洪
武五年行取赴京改授直隸池明二州都巡

檢使後丁內艱遂以疾辭屢檄召固不起遁
居邑西白石山中號雲林居士有雲林集

本陽方公

白沙人

西堂先生附

公名燧字本陽即中子溪公子也志不樂仕
讀書玉蒼山號玉蒼山人自少以文鳴於時
著學庸集說諸書正統間邑宰章公惠延聘
續修邑志既而欲薦任以學職不就甘貧樂
道以詩文應人之求有方齋文稿一十卷曾
孫名繼學字一敬世稱西堂先生始學舉子

業不售棄去涉獵經史諸子百家靡不精貫
所著有五經辨疑河圖衍江南文獻浙音會
畧諸集又嘗欲行鄉約喪禮人以為能世其
學云
濱江鄭公 江口人徙坡南
公名應祥字廷善號濱江鄉進士東江公孫
也卅角入邑庠朱少龍公以少年進士為令
於士鮮許可獨器重公蔡贈君夙儒有朗鑒
奇公才妻以女公益得鉢心劇賢於學雖暑

鏤金寒折膠讀不輟數試有司不售偶一日
以易占之得肥遯之爻擲著起曰夫造物巧
與吾左吾安之矣乃決意隱逸築室南坡有
隙地半畝遍種名竹中作竹屋扁曰文君避
處蓋慕之也家故多遺書行坐不釋手凡聖
賢及二氏垂訓之言誦說如流陰陽星數無
不諳悉尤邃於易一點畫間設吉凶悔吝如
洞見問之則曰偶然爾再強之笑不答前後
令君汪郭洪胡諸大夫每過從問政輒匿不

見請賓飲間一赴而已生平慈和坦易啟口
露肝胆不設機穽三尺童子亦遇之以誠有
犯者慰遣之絕無疾言忤色待姻族閭井曲
盡其情歲時為奠九親必敬每祝贊至父母
位號蘇、隕涕晚年猶夙興具衣冠焚香莊
誦太上感應篇拱立至得午以為常逢人必
誦解開誘期以善、世嘗自題小像云自少
存善心而命多舛要做好人而行未逮更欲
人人存善心做好人而人未亮也蓋其德器

粹完脫落清灑超乎造物牢籠之外而混迹
寄興於風塵竹水之間如此以九十壽終丹
霞何白誌其墓友弟居越山人應德成為之
傳

論曰自昔范蔚宗著後漢書以隱逸紀諸
史傳後世遂倣而侈言之思恭竊意隱逸
非枕流漱石之謂也丈夫一身匪進則退
進則當為社稷生民建鴻勳揚偉烈而身
與世違將幸無罪將東昆道脉藉以長行

欲跂高風追遺韻苦於綿邈無聞重可慨
已東昆為邑江山炳靈代有偉人迨有宋
諸儒游程朱之門以理學倡嗣後鴻流備
又後先蹶興項輦相屬吾友鄭允之先生
精敏淵洽少輒有志聖賢之學乃束於諸
生力困帖括中歲始薦明經官廣文亡何
念親且老遂棄官歸杜門著書撰述甚富
竊慨東昆雖僻壤乎在昔人文基盛林林
軒揭况自東嘉先詰南北文獻錄後又踰

百年闕佚殊甚於是網羅今昔耳目所洽
聞勒成一書題曰東昆仰止錄臚分八類
函以示余徵余頌言余惟穆叔之稱三立
孔門列以四科子長蔚宗因而作史標目
繁然先生茲錄固史氏家法也俾鄉之人
再觀先王之制景行前修馴而借之大道
則先生之所開惠來學者至矣余荒謬何
足與於斯茲奉以來命敢不自托於君子
之林敬為之頌頌曰

聖道昭融廣居宏廓操術失真日晦以駁倬
彼蔡公展也先覺二陳繼之濬源伊洛吹埴
和麓運樞鼓籥牖我民彝以開來學頌理學第一
開來伊何克絕克繼本本原原天經地義幽
通神明孝弟之至顯允章劉敦修勿墜眎德
形聲先於微細樹教靡愆維則錫類頌孝友第二
君親靡貳蹇王臣移忠體國罔敢勿純尚
友柔梓實有其人勇邁折檻直奮批鱗亦有
婉畫納約忱洵同歸宣力以道事君垂之竹

帛輝映斑璘頌忠義第三言以載道道以言宣羽
謨翼典若鸞龍鸞無謂十室綽有人焉春華
秋實爛然可觀布帛是貴狐腋匪溫不為鉤
棘務華絕根徵之行事疇托空言頌文學第四言
以維世事以集功效之於政忘已徇公爰施
德化蘇此罷癘昆之君子循治是崇夷考治
術亦足以風本之潔已修於厥躬頌政事第五修
之斯何惟清與正不為世波宇泰自定非義
當前萬鍾若渟唯鄉先儒卓為著鏡端本激

源水心玉映我裏伊人媿彼羶行頌清正陽
之區厥風希靈耻彼殖封軫莽基約孰為之
標先民有作德重分困義無羨橐樹之風聲
足以敦薄嗟之薄夫腐財朽索宜鑒師資唯
仁是廓頌高義堯之為君下有巢許或非其
時隱鱗戢羽采鼎既南運厄蒙古昆亦多賢
冥鴻高舉緼袍晏如蕭然環堵曰余後來曠
茲芳軌清風颯然思踵遐武頌隱逸講春華
東渚樵史何白拜撰手真真言意所

東昆仰止錄小引
東昆人物之盛漢唐以前莫可攷已至宋紹
興乾淳間負笈於河洛武夷者趾相錯焉於
是薰霑於春風時雨之化而濬吾昆道學之
源嗣是以來懿哲迭興烜赫當時聲施後世
至不可殫述實諸君子開之先也鄉有前修
後學津梁模楷乃邑乘久已殘缺蛟川公錄
東嘉先哲昆僅寥寥數人南北二文獻及浙
音會略諸書意各有偏主而學術人品咸置

勿論思恭小子晚生仰斗山於伊邇懼先澤
之淪亡不勝傾慕感慨之私自忘陋劣分為
理孝友忠義文學政事清正高誼隱逸八類
作東昆仰止錄益述前人記載者什九而附
以臆說斷論者什一要以朝夕披對不忘高
山景行之思焉而止而其中掛漏故有舛錯
亦多世有辭焉何以藉口唯是後之君子篤
古自信下上數百載間考核無失鑒裁唯公
操筆削之權勒成一邑信史其以是編為先

草創備遺亡未必無少助焉豈第余小子可
仰止錄賦有序
仰止錄成思恭自媿羶儒未獲走鴻鉅之
門乞言弁首業撰蕪詞小引之矣掩卷興
嗟時當少壯溺志空文不能景行先詰乃
徒以菘及之年井蛙之見倣古者閭史之
義纂輯成書益不遇因前人紀載或攷傳
誌備述其有褒無貶之詞而附祖父姓名
末簡藏之中筭以志景慕而已掛漏之誚

知罪之口莫可道矣因欲免敏操觚以賦
其事而雕蟲篆刻之學老且忘去姑撮其
大意於篇讀者當為之輒然一笑也其辭
曰
伊古崑之寵從江漁潤於始陽萃山川之佳
麗羨流峙於吾鄉孕堪輿之蓋蓋毓人文而
發祥愬先後之賢哲洵玄圃之琳琅值素王
之既物辟大莫之不暘非援儒而入墨即逃
墨以歸楊俾斯理之晦蝕迄千載而不彰自

蔡公之崛起倡理學於一方誠默契乎道體
掃百家之荒唐迨後賢之接踵游程朱之門
墻嗣當年之盛媿溯振古而采昌樹標的於
庭幃敦孝友於一堂或象賢而善述或盡幹
以流芳効鉅原之急難崇克讓於安常修庸
行於家庭著忠義於品廊矢精白於皦日竭
匪躬以匡勗養剛大之正氣配道義而激昂
批龍鱗而不恤蹈鼎鑊以何妨雖天性之固
然由文學之煒煌黜辭章之陋習窮理義於

毫芒類花繁而錦燦埒玉立而珠藏成天地
以經緯絢黼黻以玄黃時發揮於政事展經
綸於擘臆訐謨建於上國化理効於列邦勒
旂常之駿烈遺尺祝之庶桑著中外之碩畫
固金甌於不亡庶文學之不虛托豎立以闡
揚樹清正之雅操若蘭馨而蕙香葆大白而
不淄杜曲徑以自防嚴取予於一介辨義利
於微茫紛內美而藻雪遵由庶以趨鎗薄高
誼於雲日利萬物而包荒周里開之緩急恒

指困而發倉揮千金而不顧同河潤之汪洋
幸遭遇而顯庸作清廟之圭璋時趣世而隱
逸樂泌水以相羊可攤書於洞裡可著作於
岩傍貽道術於後昆標節概於無疆庶庶頑
而立懦豈沮溺之雁行概諸賢之懿範若網
舉而目張會衆理之合一由淵泉而濫觴所
寓而著名非彼短而此長嗟余年之芳奢徒
玩愒於詞章失景行於往詰苦迷津而無梁
傲堊史之末議借秉燭之餘光涉載籍而博

討標先賢於縹囊附祖父於末簡冀紹明於
不忘咸述古而不作附竊比於彭商媿管窺
而蠡測族取材於大方冀仰止乎百世俾終
焉以允臧重曰惟混茫之初闢兮合萬類而
生焉獨人心之玄覺兮實衆妙之淵源自斯
文之既喪兮悼吾道之不傳覩先正之齋美
兮慶吾鄉之多賢窮性命以砥行兮揚斯理
於中天考文獻與會畧兮或僅錄其詩篇余
獨詳其懿行兮纂仰止之遺編方鴻瑤於枕

瑤見

中兮效作則於韋弦吾不知老之將至今期補過于
無讐庶朝夕之把玩兮恍諸賢之參前倘無忝于古
人兮日孜孜以勉旃聽韶華之荏苒兮聊優游以窮
年